



## Hues a aproba 30 testigo di lista di Otmar Oduber pa caso Flamingo

Pagina 3

- **Simon Waslander:  
SVB lo ta bashi pa  
2032**

Pagina 2

- **BER no ta tuma  
formulario di dokter  
cu no ta traha cu AZV  
pa haci examen**

Pagina 4

- **Gobierno: Corte  
Comun di Husticia de  
facto a bay sinta riba  
stoel di legislador**

Pagina 6

## Hulanda mester haci mas pa combati traficacion humano



Pagina 9

## Tata di delantero di Liverpool Luis Diaz libera despues di secuestro na Colombia



Pagina 17

## Ameripol, herment nobo contra crimen organisa na Latino America



Pagina 17





**Den un pais moderno, un sistema solido di pensioen ta un di e derechonan mas cardinal den un sociedad, pa proteha tambe esnan di menos recurso y e grupo aki tambe di un futuro humano. Na e momentonan aki na Aruba caba ta tende storianan dramatico di pensionadonan cu mester sigui traha pasobra nan simplemente no por biba riba e pensioen di SVB.**

Esaki riba su mes caba ta algo profundamente lamentabel. Pa haci esaki pio y riba nivel di un tragedia di Opera, por conclui cu Pensioen Fonds sociaal di SVB lo ta failliet pa aña 2032.

E declaracion aki ta basa riba SVB su mesun Jaarverslag 2020 pagina 24. Ademá riba pagina 25 tin e siguiente skirbi: "Dat de OuderendFonds onder de huidige omstandigheden niet lang houdbaar zal blijven."

Na ningun momento mi persona a bisa cu e fonds ta den acute nood di un perspectiva di liquiditeit inmediato.

**Un Disaster Gigantesco**  
E autor ta basa esaki riba combersacionnan anonimo cu ex-ehecutivonan di Banco Central di Aruba y simplemente usando e reportanenan di SVB mes.

Imagina bo:  
Bo ta un trahador honesto, sin otro moda di pensioen priva.  
Bo a soda tur dia y traha duro.  
Bo a paga bo premie honestamente.  
Sperando na fin di yega bo edad di pensioen cu finalmente por wak algo back di esaki.

Awo imagina cu bo lo haya un carta bisando.  
"Sorry e placa no t'ey."

Data di SVB Jaarverslag 2020: Esaki no ta cualke fantasia. Usando e jaarverslag mas reciente di SVB mes cual ta di 2020.  
<https://www.svb.aruba.org/organisatie/jaarrekening-svb/?lang=nl>

Ya caba ta un problema profundo cu no tin jaarverslag mas recien.

Ta invita pueblo di Aruba y vooral expertonan economico pa studia e documentonan aki y pa puntra preguntanan hopi critico over e hecho cu den nan mesun jaarverslag, SVB su mes ta admiti cu sin medidanan extremo manera stipula den e landspakket, e fondo lo ta bashi bashi pa 2032.

Esaki tambe no ta tuma den cuenta cu por bin periodonan dificil economico riba nivel global, cual e autor a skirbi hopi over di esaki den pasado. Tambe e situacion di salubridad simplemente malo di Aruba su populacion, cual mester tuma na cuenta.

Unda e Check & Balances a Keda?  
Den un pais democratico ta suppose di tin varios "Checks & Balances"  
Na prome nivel e conseheronan di un Ministro.  
Despues e colega Ministronan den un coalicion por spreek aan e Minister concerni.  
Si esaki tampoco no pasa tin Parlamento y principalmente oposicion, cu tin como tarea

*Simon Waslander:*

## SVB lo ta bashi pa 2032

pa pone pueblo na altura di e tragedia aki.  
En fin si tur esaki faya lo tin otro institutonan cu mester grijp in.

Te cu e autor aki sa, y na miho di su mesun conocemento ta papia relativamente hopi tiki over e topico aki, bezig ta wak e dimension severo di e problema aki.




**Kibra Cultura di Miedo**  
Los di e articulo singular aki, e autor ta sinti cu mester kibra e cultura di miedo na Aruba. Porta tin hende cu kier alerta pueblo of instancianan concerni over varios cos pero simplemente no ta haci esey paso lo wordo difama, lo wordo boicotia y eventualmente castiga. Simplemente

pa un opinion honesto cu ademá ta basa riba data concreto.

E autor ta spera cu e no lo mester sufri cualke forma di castigo pa atende pueblo na esaki.

Tambe por wel di ta cu mi conclusionnan no ta klop, y ta invita un dialogo riba un nivel haltu y adecua sin ataca persona individual pa papia over e tampoco aki. Ta spera en berdad pa pueblo di Aruba en general cu mi opinion ta fout.

E autor tambe kier indica publicamente cu e no ta plania di dreña of lanta un partido politico.





# Hues a aproba 30 testigo di lista di Otmar Oduber pa caso Flamingo

*El a pidi pa scucha parlamentario Marisol Lopez-Tromp como testigo*

Ayera mainta hues a indica cu e ta aproba mayoria di e testigonan riba e lista di Sr. Otmar Oduber pa wordo scucha den e caso Caso Flamingo. E lista di testigonan aki ta inclui parlamentario y lider di fraccion MAS den Parlamento, Mariosl Lopez-Tromp.

Saliendo for di corte abogado di Oduber, Vito Carlo, a expresa cu e ta sorprendi, contento y satisfecho cu e decision di hues pa aproba mayoria di e testigonan cu e y su cliente a presenta pa declara den e caso Flamingo.

“Mi ta convenci cu e hues a studia e dossier di comienso te final pasobra e testigonan cu el a bay di acuerdo cune ta muestra cu e dudanan cu nos a trece dilanti den e investigacion, mester wordo investiga. Segun mi nos a pidi 35 of ta 36 testigo pa testigua, y hues a duna OK pa 30 y hues mes a pidi un testigo extra cu nos no tabatin den nos lista,” e abogado a indica.



Sr. Carlo a remarca cu a pesar cu nan no a keda cla cu full e dossier, e ta convenci cu e preparacion cu su mes hunto cu su cliente a haci a saca su fruto y asina hues a wak e importancia pa scucha e testigonan, no solamente pa “muestra e inocencia di Otmar”, pero tambe pa nan demostra cu e proceso aki for di prome dia no tabata corecto.

“Tabatin hopi fout cu a wordo haci y e pregunta ta si e foutnan a wordo haci a proposito of no, pero e hues aki ta muestra, door di aproba 30 di nos 35 of 36 testigonan mas un, cu e ta wak cu algo no ta klop y Otmar tin e derecho di defende su mes,” el a resalta.

El a splica cu hues a pone ‘voor onbepaalde tijd’, pa

duna e hues comisario espacio pa realiza su investigacion. El a agrega tambe cu si caba cu e 31 testigonan aki y nan wak e necesidad pa scucha mas testigo, hues a bisa bisa cu por haci e peticion na hues comisario y si ta necesario hues por acerca corte pa wak si tin necesidad pa scucha mas testigo.

“Mi ta kere cu esaki, den tur e slanan, esaki ta un victoria. No ta e victoria final, pasobra awo e trabao a cuminsa y e caso aki no ta bay wordo bringa den corte, pero e ta wordo bringa durante interrogacion di e testigonan pa nan muestra cu Ministerio Publico y e tema di investigacion ta full robes,” el a señala.

Di su banda, Oduber a resalta cu e ta contento cu e decision di hues pasobra “loke ta tumando luga cu nos Ministerio Publico no ta bon, no ta corecto y no ta imparcial.”

El a indica cu dialuna Ministerio Publico no kier a laga scucha ningun hende y a nega tur e testigonan riba e lista, pero finalmente hues a aproba 30, mas un cu e hues mes a pidi pa scucha un testigo den e caso aki, di e 35 of 36 testigonan cu el a presenta

E testigo cu hues mes a indica cu e kier scucha ta parlamentario y lider di Fraccion MAS, Sra. Marisol Lopez-Tromp.

*Minister Ursell Arends:*

## Importancia di integridad personal y e impacto ariba e sistema colectivo den nos sociedad

**Comunidad a keda sacudi un biaha mas recientemente na momento cu Ministerio Publico a anuncia cu a yega na un acuerdo cu un persona acusa di ta un ‘ambtenaar spirito’ den gobierno. Esaki a pone enfoke riba e tema di integridad y corrupcion den aparato publico di Aruba, y como minister di Integridad, Ursell Arends tambe a pronuncia su mes riba e asunto.**

“Contrario na e pensamiento cu por tin, integridad no ta un virtud solamente reserva pa Gobierno of structuranan administrativo,” Arends a expresa den un comunicado di prensa. “Integridad ta extende su influencia riba cada hende individualmente, mehorando nan bida y contribuyendo na e nivel di integridad di un sociedad.” Minister Arends ta enfatisa cu e forsa di cualkier sociedad ta depende ariba e accionnan di su hendenan.

Un corelacion crucial cu

e Minister ta adresa ta e relacion entre integridad y corrupcion. Den discursonan publico, hopi biaha ta papia di corrupcion politico, unda ta reduci e confiansa den e aparato gubernamental y politica na Aruba en general. Minister Arends ta boga pa reenforza e medidanan anticorruptivo na tur nivel pa restaura confiansa den Aruba su institucionan.

Un di e chempelman unda mester reenforza medidanan ta e uzo prevalente di contratonan DVO/OVO pa entidadnan di Gobierno pa haci acuerdo pa pagonan regular como compensacion pa servicio y trabao. E contratonan aki, originalmente a wordo diseña pa adkeri servicionan specifico den termino defini. E contratonan aki den transcurso di tempo a bira manera un substitucion di un acuerdo di empleo riba termino cortico y mediano. E diferencia entre un DVO y contract di trabao ta cu DVO no tin elementonan contratual manera trabaoonan defini, maneho



di recursonan, termino di trabao of criterionan pa evaluacion di prestacion.

Debi na ausencia di mecanismo di control y criterionan obhetivo pa evalua contenido, calidad y otro factornan, autoridadnan di Gobierno no por midi efectivamente e prestacion di e proveedo di servicio, pone nan responsabel ni exige cumplimento. Esaki ta crea un obligacion

unilateral for di parti di Gobierno cu ta rekeri asignacion di fondonan publico sin consideracion ariba e calidad di contribucionnan.

Pa sigura e uso responsabel di fondonan publico, Minister Arends a presenta richtlijnen pa regula y preveni mal uso di e tipo di contratonan aki. E ‘Richtlijnen voor het aangaan van overeenkomsten van opdracht’ a wordo aproba den

ministerraad desde 4 di november 2022 y ta valido pa tur ministerio. Minister Arends a pone nan ter inzage den Parlamento durante tratamiento di Presupuesto 2023 na November aña pasa.

Ora ta trata di un contrato corruptivo tin dos partido envolvi, e dunado di contrato y e tumado di contrato. Pues ta subraya cu de facto integridad ta un responsabilidad tanto colectivo como individual, na unda no tin ley of regulacion, cada persona tin e responsabilidad pa consulta cu su mesun compas moral y dicidi si loke e ta haciendo ta algo corecto, integro of no.

Pa resumi, Ministerio di Integridad ta comprometi pa promove integridad den e aparato gubernamental y su influencia directo riba e sistema colectivo. Pa aborda e relacion entre integridad y corrupcion, Ministerio ta tuma como meta pa mehora e nivel di integridad den nos comunidad y proteha recursonan publico.



*Segun VRA,*

## BER no ta tumando formulario di dokter di cas cu no ta traha cu AZV pa haci examen

Manera ta conoci na diferente ocasion Sr. Thomas Ruiz di Vereniging Rijscholen Aruba (VRA) ta trece pa dilanti e diferente problemanan relacion cu trafico na Aruba. Den e caso aki, el a trece pa dilanti un problematica nobo cu un persona a trece na su atencion pa loke ta Bureau Examen Rijbewijs (BER).

Ruiz a remarca cu no ta un secreto cu tin hopi problema cu BER ariba diferente topico y pa motibo di esaki varios biah a caba VRA a expresa cu nan a kita e sosten cu nan tin pa e examen actual cu for di nan punto di bista no ta integro y no ta confiabel mas.

El a splica cu nan a ricibi informacion e siman aki cu tin un problema cu e formulario di dokter cu e candidato di e examen di trafico mester yena prome cu nan bay pasa e parti di e examen di practica pa bay core auto.

Manera ta conoci prome cu examen practico aki mester bay dokter di cas pa haci un chequeo medico y dependiendo di e dokter e ta costa un suma di entre 60 cu 75 florin. Ruiz a indica cu segun informacion cu nan a ricibi for di un persona cu ta candidato pa pasa e examen, ta cu el a bay su dokter di cas, den e caso aki tabata Dr. Bermudez, cu ta un dokter cu tin hopi aña trahando na Aruba y cu a bay cu pensioen pero ta practicando ainda su funcion.

El a sigui splica cu a resulta cu ora e persona aki a bay pa haci su examen y a hiba e papel cu e firma di dokter Bermudez, un personal di Bureau Examen Rijbewijs a bisa cu e no ta aceptable pasobra e no ta un dokter cu ta traha cu AZV.

“Mi ta cuestiona ariba ki base e persona aki ta basa su mes, a base di cual beleid y manera semper nan ta bisa algo, pero nan no ta bisa a base di kico e ta, manera cos cu ta dictadura tin,” el a indica.

Ruiz a splica cu el a tuma contacto cu un amiga di dje cu ta dokter, dermatologo, pa puntra con e procedura aki ta y si un dokter mester ta afilia na AZV pa por practica e profesion di dokter na Aruba.



E dokter a splica Ruiz cu esaki no ta caso pasobra AZV ta un seguro. El a indica cu e rekisito importante ta, cu aunke un dokter ta cu pensioen, e mester ta registra den AruBIG y e firma di dokter mester ta registra nacional y internacional y asina e dokter por practica su profesion te ora cu e salud no ta permitie mas.

“Mi no ta compronde dicon BER ta traha asina y nan ta traha a lo loco, nan ta perhudica hende pasobra aworaki e persona aki tin cu bay otro dokter, bolbe paga e suma y bin back y spera cu esaki si BER ta tuma, no ta husto,” el a subraya. Ruiz a agrega cu tambe nan a

haya hopi critica e siman aki tocante e preguntanan cu nan ta haci den examen cu ta mal formula. El a resalta cu nan expertonan di trafico ta di acuerdo cu e preguntanan ta mal formula y ademas di esaki, el a señala, cu nan ta haya potret di e examen, locual en realidad no mag pero e ta pasa toch y door di esey nan ta bisa tambe cu e examen ta keda sin integridad.

El a indica cu hopi ta expresa cu e examen ta un fraude, pero ora puntra e hendenan pa haci aangifte, nan no kier pasobra nan tin miedo di represalia. El a menciona tambe cu nan tin un email na unda e directora di Di-

rectie Onderwijs ta bisa cu nan nunca a duna nan apoyo, locual ta nifica cu BER no tin e experto den e cuater idioma pa traduci y formula e preguntanan manera debe ser.

Adicionalmente el a señala cu nan ta na altura cu e bureau no tin especialista di trafico cu ta duna nan apoyo manera debe ser.

“E cos ki ta birando un dictadura y locual cu ta pio ta cu nos di VRA ta purba di trece esaki dilanti cerca instancianan concerni, pero nan no kier sinta papia na mesa cu nos pa yega na un solucion. Nos ta haya ta jammer pasobra e ta perhudicando

tur hende,” Ruiz a enfatisa.

El a menciona cu na Hulanda un scandal grandi a sali na cla cu un curso pa saca rijbewijs na unda tur hende tabata slaag pasobra nan tabatin examen den nan man y p'esey tambe nan a investiga.

El a subraya e cos nan ki ta pasa no na Hulanda so, pero e por ta pasando aki na Aruba tambe. “Si no tuma e situacion na serio y haci investigacion pa salvaguardia integridad y calidad di examen, nos ta keda produci hende cu rijbewijs y bo ta keda wak e resultado den e accidenan anual,” el a señala.

Ruiz a indica cu VRA ta purba di tur manera di informa e usuarionan tocante e leynan nobo cu a sali, e procedura etc., pero esey no ta suficiente. El a resalta cu e departamento concerni, mester “cuminsa lanta for di soño y haci algo cu e cos ki pasobra e cos ki no por mas.”

Por ultimo el a trece pa dilanti cu e departamento aki mester sali di KPA y bira un departamento independiente. Na mesun momento el a resalta cu si ta bay cambia e departamento y pone independiente, pero e ta bay cu e mesun personal of e mesun sistema, e ora no ta bale la pena independis'e.

“Nos ta wardando riba contesta ainda. Nos no tin un bon noticia tocante e examen rijbewijs. Nos ta spera cu algo lo cambia y cu algo lo drecha y cu nos lo haya oido pa trece e cambionan necesario,” el a finalisa.





**Editor**

Caribbean Speed Printers N.V.  
Aruba Bank N.V. Acc. #332668  
Caribbean Mercantile Bank N.V.  
Acc. #23951903  
RBC Royal Bank Acc. #13307728

**Operations Manager**

Mariette Engelhart

**Redaccion**

noticia@bondia.com

Pilar Flores (hefe di redaccion)  
Angenette Figueroa (closer editor)  
Leo Maduro  
Andreina Morillo  
Raisa Montilla  
Oriana Geerman

**Ehecutivo di Benta**

sulaika.croes@cspnv.com

Sulaika Croes

**Aviso y Arte**

Sandra Loefstop

Lisa Tromp

**Departamento Digital**

Juan Luis Pinto

**Administracion**  
accounting@bondia.com

Martha Arteta de Ariza

**Distribucion**

Jenny Kelly

**Coleccion**

Evelinda de Cuba - Tromp

**Pre Press**

Luis Fernando Arenas (Hefe)  
Pablo Libre

**Press**

Roland Schenker (Hefe)  
Omar Ramirez  
Martin Boekhoudt  
Francis Dirksz

**Colaboracion**

Associated Press  
Ret Karibense  
Data Key

**Afiliacion**

Sociedad Interamerica  
di Prensa (SIP)

**DIRECCION**

Adres: Weststraat #22  
Tel: 582-7800  
Email: noticia@bondia.com  
aviso@bondia.com  
info@bondia.com  
Website: www.bondia.com  
Facebook: @bondianoticia  
Instagram: bondiaaruba

**BON DIA ARUBA** ta un corant  
redacta y imprimi na Aruba y ta  
obenibel di dialuna te cu diasabra.  
Ningun contenido por wordo reproduci  
sin permiso di editor.

## Prinses Beatrix di bishita na Aruba

Ayera a tuma luga e prome dia di bishita di Prinses Beatrix na Aruba. Prinses Beatrix ta bishitando Aruba riba invitacion di Dutch Caribbean Nature Alliance (DCNA) y DCNA tambe lo ta acompaña Prinses den su bishita na e otro islanan den Caribe.

E motibo di e bishita ta e congreso di DCNA tocante solucionnan amigable pa naturalesa pa restaura e ecosistemanan den islanan di Caribe Hulandes y Prinses Beatrix ta patron di DCNA.

Prinses Beatrix a cuminsa su bishita na Corsou dia 7 di november. Ayera durante e prome dia di su bishita, parti mainta Prinses Beatrix a bishita Neptali Henriquez Park, esaki riba su propio iniciativa y a bishita Fundacion Telefon pa Hubentud. Merdia e Prinses a sinta cu Gobernador di Aruba pa asina disfruta di un almuerzo.

Parti atardi, Prinses Beatrix a bishita Rooi Taki como tambe Spaans Lagoen na unda directiva di Fundacion Parke Nacional Arikok (FPNA) a duna e Prinses un recorrido di e sitio di e proyecto di conservacion. E meta di e bishita ta pa mostra e proyecto- y programanan di conservacion cu ta wordo ehecuta na Aruba pa proteha, preserva y restaura ecosistemanan y biodiversidad na Aruba y pa cultiva un comprension mas profundo di solucionnan basa riba naturalesa.

Awe Prinses Beatrix ta bay haci un bishita na Parke Nacional Arikok. FPNA a inicia un proyecto akinan pa reintroduci un especie di parha cu a bira extinto na e isla back den naturalesa. E parha aki tin un distribucion limita, haciendo su reintroduccion na Aruba specialmente significante. E Prinses ta bay presencia un presentacion riba e programa aki di preservacion di biodiversidad y ta bay observa e parhanan na e sitio.

Atardi Prinses Beatrix lo ta atendiendo e Symposium di DCNA cu ta enfoca ariba solucionnan basa riba naturalesa. E symposium aki ta tuma luga na Universidad di Aruba





## Ciudadanonan di Santa Cruz a responde den grandi na curso di Finanzas den mi Hogar

**Riba 7 di november un total di 75 ciudadano a inicia nan participacion na e curso Finanzas den mi Hogar den distrito di Santa Cruz. Distrito di Santa Cruz ta e ultimo distrito pa ricibi e curso Finanzas den mi Hogar.**

Durante transcurso di e aña Finanzas den mi Hogar a bishita tur e diferente districtonan na Aruba. E curso na Santa Cruz lo clausura un aña sumamente exitoso di educacion financiero.

Ta importante pa nos ta consciente riba nos entrada y gasto y con esaki ta afecta nos estabilidad y metanan financiero. E curso ta enfoca pa nos bira critico riba nos decisionnan financiero y tambe riba nos actitud cu por afecta sin cu nos sa, e cartera. Un consumidor consciente y critico ta e fundeshi di un economia inclusivo y duradero. E habilidad di un persona pa maneja su entrada y gastonan ta un habilidad necesario, cu ta yuda evita problemanan financiero manera debe (of gastonan) innecesarios.

Finanzas den mi Hogar a wordo organisa y financia door di Ministerio di Asuntonan Economico y desaroya y presenta door di Fundacion Plan di Bida. A zorg pa por trece esaki mas cerca posibel na ciudadanonan interesa, y a haci esaki completamente gratis pa asina elimina cualquier barera of incertidumbre di participacion.

“Ta importante pa haci’e facil pa nos ciudadanonan por yega y participa na e curso di Finanzas den mi Hogar. P’esey e meta tabata pa ofrece e curso Finanzas den mi Hogar gratis y den tur distrito, mas cerca di nos ciudadanonan”, segun minister Geoffrey Wever.

Den e aña binidero lo sigui enfoca riba diferente temanan di educacion financiero, continuando cu maneho di eleva e conocimiento di nos ciudadanonan den aspectonan comercial y financiero. Minister Geoffrey Wever ta gradici Sra. Paloma Osorio di fundacion Plan di Bida pa su esfuersonan durante aña.



## Segun Gobierno, Corte Comun di Husticia de facto a bay sinta riba stoel di legislador

**Awe 10 di november ta bay tuma lugar e tratamento di e cassatie na “Hoge Raad”, cu pais Aruba a entama contra e veredicto di corte comun di husticia di Aruba, Corsou, Sint Maarten, y Boneiro, Sint Eustatius y Saba, di 6 di December 2022. Den e veredicto ey, Corte Comun di Husticia a establece cu den e legislacion di Aruba, matrimonio ta reserva pa personanan di e sexo opuesto.**

Segun CorteComun di Husticia, di un banda, hurisprudencia di Corte Europeo di Derecho Humano (EHRM) ta establece cu esaki no ta un violacion di e tratado Europeo di derecho humano (EVRM). Pero di otro banda, cu esaki ta empugna cu e prohibicion di discriminacion den nos constitucion di Aruba. Y a base di e ultimo aki, Corte Comun di Husticia ta yega na e formulacion di e legislacion na Aruba, cu matrimonio no por wordo reserva solamente pa persona di sexo opuesto sino mester ta permiti tambe pa persona di mesun sexo.

Gobierno di Aruba ta di opinion



cu e veredicto aki no ta alinea cu e principianan constitucional di separacion di poder, pasobra Corte Comun di Husticia de facto a bay sinta riba e stoel di e legislador (wetgever). E decision pa habri matrimonio pa persona di mesun sexo ta un decision cu mester wordo tuma door di e legislador di Aruba, pues Gobierno y Parlamento hunto.

Gobierno di Aruba ta di opinion cu e hecho cu hues a aplica e prohibicion di discriminacion di nos Constitucion no por bay asina leu cu e hues mes por didi con cierto partinan den nos Codigo Civil mester wordo duna contenido y wordo aplica.

Ademas, Gobierno di Aruba ta di opinion cu e paso di Corte

Comun di Husticia pa mete den e legislacion di Aruba a wordo subestima, si pensa cu ta solamente algun aspecto di e Codigo Civil mester wordo coregi. Pasobra si habri matrimonio pa persona di mesun sexo, esaki lo existi hopi mas adaptacion den legislacion, caminda no solamente e articulan cu Corte Comun di Husticia ta menciona di Codigo Civil, sino otro partinan di Codigo Civil y diferente otro ley y areglonan mester wordo adapta. Sin un base legal, e cambianan aki no ta posibel.

E caso lo wordo trata awe diabierna pa 8.30 am orario di Aruba y lo wordo transmiti ‘live’, via website di Hoge Raad der Nederlanden.



**ULTIMO DIA DI PAGO**

Spaar tempo, paga online

E cobranza di coriente di september 2023 lo vence:

**Diamars, 14 di november 2023**

N.V. ELMAR ta recorda tur cliente pa tene nan cuenta di coriente na ordo.

Pa mas informacion yama 523-7100 of email [customerservice@elmar.aw](mailto:customerservice@elmar.aw)





**AWE**

**MINI MEGA**

**MEGA PLUS**

**Awo cu 2 florin mas, bo por gana e**

**\* Afl. 610.000,-**

**\* Afl. 450.000,- + Afl. 160.000,- extra**

Benta ta sera 7:30 pm y sorteo ta hunga 7:45 pm

**MEGA PLUS**



**HUNGA AWO**

**lotto**







*Minister Dangui Oduber:*

## A digitalisa henter sector di cuida medico na Aruba

Diamars atardi Minister di Turismo y Salud Publico, sr. Dangui Oduber conhuntamente cu e Director di nos planta nacional Setar N.V., sr. Roland Croes, y Director di Seguro Social di Aruba AZV, sr. Edwin Jacobs, a hiba algun palabra y tambe celebra un momento historico pa cuida medico na Aruba. Den cuadro di mehora calidad y servicio di cuida, un acuerdo a keda firma den un forma di “partnership” entre Ministerio di Salud Publico, Setar y AZV pa asina digitalisa henter sector di cuida haciendo uzo di tecnologia y innovacion.

E aplicacion di fase 1 pa “Aruba Health App” ta pa sigui facilita servicionan den cuida



medico y lo sigui desaroya e aplicacion aki den un manera mas eficiente, transparente y accesibel pa tur aseguradonan pa por haci uso di e sistema digital. E sistema lo tin aplicacion pa traha afspraak via e app MiDokterDiCas, tambe por ricibi receta prescribi via MiRemedi y alaves ta haya tur

resultado di testnan di dokter di cas via MiLaboratorio.

Segun e mandatario esaki ta un “era nobo” pa asina digitalisa henter e sector di cuida medico, cu resultado pa sigui mehora tur e servicionan y e calidad di cuida pa tur dokter di cas por traha na un manera

mas eficiente, transparente y mas rapido y asina tambe e comunidad por ta mas informa y sinti nan mes den control di nan salud y calidad di bida.

E impacto di e innovacion y tecnologia aki ta mantene e demanda pa sigui inverti den sector di cuida. Mandatario sigur ta expresa cu 2024 ta bira un aña di inversion den sector di cuida y e “Aruba Health App” ta un di e inversionnan di mas principal cu nos ta duna nos aseguradonan.

Adames, e innovacion di e plataforma aki ta permiti e aseguradonan pa yega na nan informacion medico 24 ora pa dia cu ta hasie e proceso mas rapido, cual antes no tabata posibel. Minister Dangui Oduber a pone e vi-

sion y conhuntamente cu Setar y AZV a logra esaki, sigur “one for the books” y asina centralisa e cuida medico na Aruba. Sigur no por keda sin menciona un gradicimiento pa tur e personanan cu a traha di dia y anochi pa asina por a logra finalisa e acuerdo pa asina cuminsa cu fase 1 di e proyecto aki.

Minister di Salud Publico, sr. Dangui Oduber, a termina e anochi expresando: “Cu loke nos haci awe lo wordo recorda den futuro y e generacion cu ta bin lo por aprecia e cambio radical cu a wordo implementa pa cuida di salud na Aruba. Pabien Aruba! Ta importante pa nos pais por sigui bay dilanti cu innovacion y transparencia. Un vision innovativo y progresivo cu ta den ehecucion.”

## Excepcion pa vacunacion di mucha na Merca a yega su nivelnan mas halto

(AP) - E proporcion di muchanan den kleuter cu tin excepcion pa rekisitonan di vacunacion a yega su nivel mas halto na 3%, segun oficialnan Mericano a bisa diahuebs. Mas mayornan ta cuestionando e vacunacionnan rutinario cu nan tabata acepta automaticamente,



un efecto di e duda politico cu a surgi durante e pandemia a causa di vacuna di COVID-19 segun

expertonan.

Aunke mas mucha a ricibi excepcion, e averahe di vacunacion nacional tabata constant. 93% di e muchanan den kleuter a ricibi e vacunanan rekeri pa e aña escolar di 2022 pa 2023, e mesun cu e aña anterior segun Centers for Disease Control and Prevention a bisa den un reportahe

diahuebs. E averahe tabata 95% den e añanan prome cu COVID-19 su pandemia.

“E mal noticia ta cu esaki a baha desde e pandemia y te ainda esaki no a subi back,” Dr. Sean O’Leary, especialista di malesanan infeccioso pediatrico a comenta. “E bon noticia ta cu e gran mayoria

di mayornan toch ta sigui vacuna nan yiunan segun e schedule recomenda.”

Tur estado ta permiti excepcion pa muchanan cu tin condicionnan cu ta preveni nan di ricibi cierto vacuna. Y tambe mester permiti excepcion pa cualkier motibo cu ta religioso of no medico.

## Hobennan Hulandes te ainda ta lidiando cu problemanan di salud mental despues di pandemia

(NLTimes) - E cantidad di personanan hoben di 12 pa 25 aña na Hulanda cu ta lidiando cu problemanan pa drumi, kehonan psicologico y depresion a aumenta significativamente entre aña 2017 pa aña 2022. E speransa ta cu hobennan su salud mental lo a mehora despues di deterioro significativo durante e pandemia di coronavirus no a materialisa aña pasa, CBS a reporta.

Aña pasa, 22 por ciento di personanan hoben a reporta di tin problemanan pa drumi den e ultimo 2 siman, compara cu 14 por ciento di 2017. E cantidad di persona hoben cu e sinti afecta pa nan problemanan pa drumi a bira dobel den e periodo aki. Na 16 por ciento, e proporcion di personanan hoben cu a experiencia kehonan psicologico den e luna precedente ta dobel loke e tabata den 2022 compara cu ANA 2017. Aña

pasa, 12 por ciento a reporta cu nan a experiencia depresion den e ultimo aña, compara cu e 5 por ciento den aña 2017.

CBS a nota cu e reportahenan di depresion tabata tocante e hobennan su experiencia y no necesariamente diagnosticonan oficial. Sinembargo, segun CBS, e figuranan claramente ta demostra cu hobennan na Hulanda ta lidiando cu problema.



Hobennan femenino ta mas probabel di reporta cu nan ta luchando cu problemanan di salud mental compara cu

hende homber hoben. Tambe nan ta mas probabel di busca ayudo segun CBS.



## Corsou: Corte ta haya compensacion di salario di docente insuficiente


(CuracaoChronicle) – Riba dia 8 di november Corte a declara un serie di veredicto cu ta na favor di VPCO den 4 disputa contra Minister di Educacion, Ciencia, Cultura y Deporte. E caso aki ta trata compensacion pa gastonan adicional di salario, con adecua e fondo pa educacion ta, pagonan cu no a ser haci ainda y acusacion di trato desigual.

Den e prome disputa, e veredicto ta declara cu e Minister di Educacion mester carga e gastonan adicional di salario pa promove 12

docente A na un escala mas halto despues di 5 aña di experiencia y un evaluacion positivo, aunke e experiencia aki a ser gana na Hulanda, Aruba of Boneiro.

Den e di dos, Corte a determina cu e minister no a provee compensacion adecua pa e añanan escolar 2019/2020 te 2022/2023, un deficiencia cu ta sumamente grandi mirando e aumento di gastonan y e estado stanca di e ministerio.

Den e tercer caso, a determina cu VPCO no ta debe e minister placa pa e periodo di 2009/2010 te 2019/202,



cu corte criticamente examinando e minister su negligencia di basta tempo caba den aregla cuentanan na

un velocidad adecua. Den e di cuatro y ultimo caso, VPCO su acusacion di fondo desigual ta parcialmente

reconoci, cu e resultado cu e minister no ta transparente den aregla cuentanan cu DOS, un otro institucion educacional.

E veredicto aki awo ta pone e bala den veld di e minister pa cuminsa tuma decisionnan di pago di avance nobo y sigura un fondo cla y husto pa educacion.

E minister tambe lo mester entrega un decision nobo pa establece VPCO su derecho na gastonan di personal y material, cu un motivacion cla y husto den bista di e veredicto di hues.

## Un di cinco parti di empleado cu raiz internacional ta experiencia discriminacion na trabao na Hulanda

(NLTimes) – Un poco mas cu 10 porciento di empleadonan na Hulanda a experiencia discriminacion na trabao aña pasa, CBS a reporta. E problema tabata mas presente den hende cu no ta naci na Hulanda, cu 22 porciento di hende cu ta bini fuera di Europa y 10 porciento naci na otro pais Europeo reportando discriminacion na trabao.

Ademas di hende cu raiz den stranhero, empleadonan cu algun malesa di termino largo of condicion, empleadonan cu tiki autonomia y personanan den trabao peligroso tambe ta sinti cu ta discrimina den nan contra relativamente frecuente. Discriminacion na

trabao hopi biaha a tuma e forma di comentario inapropia y mester a ser ignora of exclui (ambos 35 porciento) aña pasa. Coleganan tambe tabata e discriminador mas comun, segun e empleadonan victima.

Un grupo mas chikito a experiencia discriminacion den forma di menasa, violencia of agresion. Aki, clientenan, pashentnan, studiantenan of pasaheronan tabata e discriminadornan mas comun.

CBS a haya cu e composicion di e forza laboral tin un influencia riba e discriminacion cu experiencia. “Den organisacionnan unda tiki hende muhe ta traha, un proporcion grandi di hende muhe ta sinti



cu ta discrimina den nan contra a base di nan sexo,” CBS a expresa. “Di otro banda, em-

pleadonan di un origen cu no ta Hulandes ta menos probabel di sinti discriminacion si

tin tiki otro empleadonan cu tin un origen den exterior.”

## Homber di Siria aresta na Schiphol acusa di a trafica mucha homber di 6 aña

(NLTimes) – Autoridadnan na aeropuerto di Schiphol a detene un homber di Siria diasabra bao acusacion di trafico di persona ora cu el a ser gara cu un mucha cu no tabata biahando cu su propio paspoort. E homber di 37 aña a ser para cu dos mucha durante evaluacion na frontera despues di un biahe for di Tbilisi, Georgia pa Hulanda.

E sospechoso tabata compaña pa 2 mucha homber, un di 6 aña y un di 11 aña, segun Marechaussee. “Nan tabata den posesion di paspoort di



refugiado Aleman cu permiso di residencia. E ekipo tabatin duda tocante e mucha mas hoben su documentonan,”

Marechaussee a declara.

E oficialnan cu a checuta e control di paspoort no a kere

cu e potret den e documento ta muestra e mucha cu tabata nan dilanti. Un investigacion a determina cu e mucha

no ta familiar di e adulto. E mucha a ser poni bao custodia di proteccion y otorga na Nidos, e organisacion cu ta cuida di menornan cu no ta compaña na Hulanda. E mucha di 11 aña a ser determina di ta e homber su yiu. “E sospechoso a pone su propio yiu den un posicion vulnerabel pa medio di us’e pa trafica un otro mucha,” Marechaussee a acusa.

E caso aki ta permanece bao investigacion di parti di Marechaussee y Noord-Holland su sucursal di Ministerio Publico (OM).



**BUSHIRI BEACH**  
STARTING  
**NOV 12**

**ARUBA OPEN**  
**BEACH TENNIS**  
**CHAMPIONSHIPS**

**FOOD COURT • SHOPS • GIVEAWAYS & MORE**

**HAPPY HOUR**  
**5PM TO 6PM**  
**FREE ENTRANCE**

**DAILY LIVE MUSIC & DJs**  
WITH BULERIA, ATANIRO, TSUNAMI, NUTZBEATZ & MORE!

**ARUBA OPEN**  
Beach Tennis Championships

**SETAR**  
Creating Connections

**CMB**  
CARIBBEAN MERCANTILE BANK

**ARUBA**

**bright**

**SXY.COM**

**SHIRK**

**INTEGRATED SECURITY SERVICES**

**e.lite**

**COURTYARD**  
BY MARRIOTT  
Aruba Resort

**RENAISSANCE**  
WIND CREEK ARUBA RESORT

**AUA**  
ARUBA UNITED ARUBA RESORT

**Eagle Aruba**  
RESORT

**ARUBA**

## Conseho di Europa:

# Hulanda mester haci mas pa combati traficacion humano

(NLTimes) – **Hulanda mester haci mas esfuerso pa combati traficacion humano. Expertonan di Conseho di Europa, e organisacion tras di corte di derechonan humano na Strasbourg, a analisa e situacion na Hulanda den un rapport comprensivo.**

Desde e rapport anterior di Conseho di Europa na 2018, tin tiki enhuiciamento y condena na Hulanda pa trafica- cion humano. E Conseho ta haya esaki preocupante. E in- vestigadornan tambe ta nota cu victimanan di traficacion humano ta keda cu miedo di reporta na polis pasobra nan

ta preocupa cu ta bay persigui nan pa otro violacion. Victi- manan involucra den crimen organisa, por ehemplo, tin miedo di keda condena pa hortamento. E rapport ta haci recomendacion riba con pa ta mas tolerante den e respecto aki pa asina victimanan haya e curashi pa reporta traficador- nan.

E Conseho tambe a pidi Hu- landa pa ta mas alerta pa victi- manan di traficacion humano kedando centronan pa solici- tante di asilo. Nan ta merece cuidio medico y psicologico.

Tambe tin mehoracion desde e analisis anterior na 2018. Mayoria di municipalidad



Hulandes awo a desaroya politicanan riba traficacion humano, segun e Conseho di Europa ta nota cu satis- faccion. Victimanan kende usualmente no ta papia Hu- landes, hopi biaha ta ricibi

informacion den nan propio idioma.

Hulanda ta keda un destina- cion importante pa trafica- dornan humano. Victimanan ta traha principalmente den

industria di sexo pero tambe den construccion y crimen forsa. Entre 2018 y 2022, ta- batin al menos 4,700 victima, di cual 60 por ciento tabata muhe, 30 por ciento tabata homber y 10 por ciento ta- bata mucha. Segun organisa- cionnan di ayudo, e cifra ac- tual ta hopi biaha mas halto. E victimanan ta bin principal- mente di Nigeria y paisnan Europeo manera Polonia, Romania y Hungria.

Na Strasbourg, Hulanda a compromete su mes na acu- erdonan internacional riba traficacion humano. E evalu- acion ta pa mira si Hulanda ta cumpliendo cu su propio obhetivonan.

## KLM por perde mas cu mil vuelo pa Merca pa downsizing di Schiphol

(NLTimes) – **KLM por perde mas cu mil vuelo pa Merca pa motibo di e plan di gobierno Hulandes pa downsize Schiphol, fuen- tenan na e aerolinea Hu- landes a bisa De Telegraaf.**

E movementonan di vuelo reduci a resulta den aerolin- eanan Mericano perdiendo 1,135 slot na Schiphol. Si KLM perde e mesun cantidad na aeropuertonan Mericano, esaki ta conta pa 22 por ciento di e cantidad total di vuelo di e aerolinea Hulandes, segun esnan cu conocimiento di e situacion a bisa e corant. Hulanda tin un tratado di



aviacion di shelo habri cu Merca, cu ta stipula cu ambos pais tin acceso sin restriccion

na e mercado di otro. Un procedura contra plannan di downsizing ta na caminda den Comision Europeo, pero minister Hulandes di Infra- structura, Mark Harbers a di- cidi pa no warda pa e veredic- to y pusha cu e plan pa reduci e cantidad di vuelo na y for di Schiphol di 500mil na 460mil na april, y despues na 452,500 e siguiente winter. Ministe- rio di Transporte Mericano ta considera esaki un violacion di e tratado.

Ministerio di Infraestructura Hulandes a confirma na De Telegraaf cu 1,135 slot ta den peliger.



## Ameripol, herment nobo contra crimen organisa na Latino America

(PrensaLibre) – Ameripol, un organismo similar na Europol of Interpol integra pa paisnan di America Latino y Caribe, desde ayera diahuebs ta conta cu e personalidad huridico y mandatonan necesario pa reforsa e combate contra crimen den ambito regional.

Minister di Husticia di Brazil, Flavio Dino, anfitrión di e cita, a destaca e “gran paso” cu ta duna contra e menasa regional di delincuencia organisa cu e formalisacion di Comunidad di Polis di America (Ameripol) como e



plataforma nobo di cooperacion policial.

Segun e minister Brasileño, e

personalidad huridico nobo di Ameripol lo duna “mas agilidad na e investigacionnan” regional cu lo abarca “desde crimen medioambiental te cu trafico di arma, droga y persona of robo di vehiculo den zonanan fronteriso.”

Igualmente a sostene cu lo permiti mas “cooperacion digital den materia huridico civil y penal” y un trabao conhunto contra “crimen cibernético” y “distorsion” cu ta representa “e uso di internet pa practica delictivo.”

A prepara e esfuerço regional durante 16 aña.

## Colombia: Ex-presidente Alvaro Uribe ta reacciona na acusacionnan contra dje na Argentina



(infobae) – Un di e crimenan mas conoci di siglo XXI na Latino America ta eheccionnan extrajudicial cu a registra na Colombia durante e mandato di Alvaro Uribe Velez, den cual a gaña miles di hoben cu promesa di em-

pleo pero a termina registra como fayecido durante enfrentamento entre Forzanan Militar y guerrilla.

E hechonan, denuncia pa un grupo di mama na municipio di Soacha y Bogota, a termina cu e hallazgo di miles di caso

similar y a descubri cu miembronan di Ehercito Nacional a participa cu obhetivo di presenta resultado a cambio di beneficio.

Maske den mas di un ocasion e mandatario Colombiano e tempo ey, Alvaro Uribe Velez a sigura cu e no tabata na altura di e practica aki, mananan di e victimanan y diferente ONG a señal’e, hunto cu minister di Defensa y ex-presidente Juan Manuel Santos, como responsable di mas di 6mil eheccion extrajudicial cu a registra di e manera denomina popularmente como “falsos positivos”.

15 aña despues cu a registra e hechonan aki, tres organisacion y diesun victima a presenta un denuncia contra

Alvaro Uribe Velez na Argentina pa su presunto participacion di e eheccionnan extrajudicial. E acusacion a keda presenta dia 7 di november dilanti Husgado Federal 2 di Buenos Aires.

Pa motibo cu a haci e denuncia bao amparo di hurisdiccion universal, esaki ta permiti cu por investiga e ex-mandatario internacionalmente pa hechonan registra na Colombia.

Riba su cuenta di X, Alvaro Uribe Velez a responde na e acusacionnan den su contra, afirmando cu e colectivo di abogado cu a presenta e denuncia na Argentina ya a presenta acusacionnan similar den su contra na Colombia.

“E Colectivo di Abogado, e mesun di e victimanan falso di Mapiripan, e mesun di infamia contra mi durante 30 aña, e mesun cu ta sconde den Derechonan Humano pa protege e violencia di terroristanan supuestamente di isquierda. E mesun ey awo ta denuncia mi na Argentina,” el a comenta.

Igualmente el a afirma cu e ta prepara pa afronta e acusacionnan contra su persona den loka el a cataloga como un accion temerario contra dje cu lo ta financia pa actornan politico. “Y mi tambe ta expresa na husticia di Argentina cu mi ta cla pa enfrente e temeridad nobo aki di abogado den servicio di causanan politico.”

## Mexico: A haya 123 migrante atrapa den un trailer

(AP) — Autoridadnan a haya 123 migrante di Centro y Sur America atrapa den un trailer den estado central Mexicano di San Luis Potosi, segun agencia di inmigracion Mexicano a bisa ayera.

Oficialnan di oficina di fiscal general di e estado a haya e migrantenan na Matehuala, un ciudad den frontera di Nuevo Leon, riba diaranson despues cu un local a reporta cu a scucha grito pa ayudo for di un trailer box bao yabi. Mayoria di e migrantenan rescata tabata di Guatemala, Nicaragua, Honduras y El Salvador, como tambe cuatro di Ecuador y un

di Cuba, segun Instituto Nacional di Inmigracion Mexicano. Entre nan tabatin 34 mucha.

E agencia di inmigracion no a bisa con e migrantenan a termina pega eynan ni unda nan tabata bayendo, pero gruponan di migrante asina tipicamente tin speransa di yega Merca.

E mesun dia, polis na Ciudad Juarez, otro banda di El Paso, Texas, a aresta tres persona sospecha di ta traficator di hende despues di haya 11 migrante Guatemalteco atrapa den un cas, segun departamento di seguridad di estado Chihuahua. Fiscal General di Chihuahua

a habri un investigacion riba e sospechosonan, dos di ken tin apenas 16 aña di edad.

Secuestro y extorsion ta peligran familiar di migrantenan biahando nort door di Mexico, hopi di ken ta depende riba pagonan pa gangnan local pa un paso safe.

Diaranson, un caravana di migrante canando for di Guatemala a blokea un carretera cerca di pueblo di Huixtla na Chiapas, bisando cu nan tabata teme cu nan lo bira victima di atake di criminalnan si nan sigui cana. Nan a continua blokeando e carretera ayera, sperando pa presiona auto-



ridadnan Mexicano pa duna nan documentonan temporal permitiendone nan pa biah na frontera Mericano.

Frontera di tanto Merca como Mexico a enfrente cantidadnan mas grandi cu nunca di

migrante biahando nort e aña aki. Mas cu 400mil a crusa e Estrecho di Darien for di Colombia den Panama na 2023, segun datonan di gobierno Panameño, un aumento di e 250mil na 2022.



## Cuba: Mucha di seis aña cu leucemia cu tabatin mester di visa humanitario a fayece

(CiberCuba) - Eva Alvarez Castro, un mucha muhe Cubano di apenas seis aña pashent di cancer, leukemia, a fayece diaranson atardi.

E noticia a wordo publica ariba rednan social di e periodista di Univision, Javier Diaz, kende apenas dos siman pasa a entrevista e mama di e mucha, ken a suplica pa ayuda pa obtene un visa humanitario cu e speranza cu na Merca nan lo por a salba e bida di su yiu.

“A fayece awe tardi e mucha muhe di seis aña Eva Alvarez Castro na Cuba despues di perde su lucha contra cancer. Su mayornan den simannan anterior tabata pidiendo ayudo pa un visa humanitario pasobra na e isla e dokternan no tabata conta cu e tratamiento necesario. Mi ta manda pa su mayornan y famia mi condolencia. Un morto mas pa e mal potencia medico Cubano,” e periodista a skirbi ariba Facebook.

“E protocol di 2007 ta esun cu nan ta usando aki na Cuba, na cual e mucha no a responde. Su medula practicamente no tabatin respuesta cu e tratamiento,” Katia Castro, mama di e mucha, a indica den declaracionnan anterior.



E menor tabata hospitalisa na e Hospital Pediátrico Octavio de la Concepcion de la Pedraja, na e provincia di Holguin, y e dokternan a bisa e famia cu nan a gasta tur nan recursonan diponible pa trata e mucha.

Cu miedo cu e mucha no lo logra vence e bataya contra e cancer, e famia tabata pidiendo ayudo pa un hospital den teritorio Mericano acepta e traslado di e menor.

“Nos kier hiba e mucha na otro criterionan, otro tecnologia y otro desaroyo pa e mucha wordo balora na Merca. Nos ta desespera, e tin solamente seis aña y nos mester pa e sigui bay dilanti,” e mama di e mucha a bisa.

Desafortunadamente, e posibilidad di un visa humanitario no por a keda cla na tempo.

Den e ultimo añanan un cifra creciente di mayornan Cu-

bano ta recurri na rednan social sciamando pa un visa humanitario cu lo permiti nan soña cu e posibilidad di salba e bida di nan yiunan.

Aunke pa hopi hende malo of nan famia e visa humanitario ta e unico speranza pa wanta na bida, e proceso no ta facil tampoco.

Na prome luga ta necesario obtene di e dokter cu ta atende e caso na Cuba tur e documentonan necesario,

incluyendo un papel cu ta afirma cu e tratamiento cu e pashent ta rekeri no ta disponible na e isla.

Na esey mester agrega e rekisitonan di haya un dokter na Merca cu lo acepta e pashent y haya un sponsor cu lo por cubri tur e gastonan den teritorio Mericano. Mester agrega tambe e retraso di e autoridadnan migratorio Mericano den e aceptacion di e visa humanitario,

## Venezuela: Gobierno di Maduro ta rechasa e anuncio di cooperacion militar di Guyana y Merca



(ElNacional) - E gobierno di Nicolas Maduro a rechasa diaranson e anuncio di cooperacion militar di Guyana y Merca, kendenan ta pretende di duna potencia na e relacion militar den materia di defensa memey di e tension entre Venezuela y e pais bisiña pa e disputa pa e Esequibo.

Yvan Gil, Minister di Maduro, a bisa den un comunicado publica ariba su rednan social cu e acuerdo di Guyana y Merca tin como obhetivo proteha e empresanan energetico Mericano, loke ta converti nan den e menasa mas grandi contra e estabilidad di Caribe y Latino America.

“E presidente Irfaan Ali ta sigui

nenga pa tene un dialogo directo cu Venezuela pa resolve e controversia territorial, manera e Acuerdo di Ginebra di 1966 ta indica, y na su luga e ta haci pacto cu e potencia militar mas agresivo den e historia di humanidad,” e gobierno a adverti den e mensahe oficial.

E Ministerio a considera cu e administracion di Joe Biden, a traves di e Comando Sur, a bin ta desaroya operacionnan militar den un zona cu recursonan energetico gigantesco, cu ta wordo explota di manera ilegal di parti di Exxon Mobil.

E gobierno tambe a alerta e comunidad internacional, specialmente e paisnan den Caribe, di e maniobranan peligroso di Guyana, cu cual nan ta “pretende di escalar un conflicto motiva pa e apetito financiero sin

medida di su clase dirigente y su rechazo pa cumpli e normanan internacional, manteniendo e exploracion y explotacion di petroleo den un area maritimo sin dialoga cu Venezuela.”

E comunicado ta conclui señalando cu e Venezolanonan lo sigui den mobilisacion denunciando e posicion di Guyana y lo marca historia dia 3 di december a traves di e referendum popular, dictando e liñanan maestro di accion pa sigui proteha, pega cu e derecho internacional, su derechonan legitimo y historico ariba e Guyana Esequiba.

Diaranson e embahadora di Merca na Guyana, Nicole Theriot, a afirma cu e anuncio di cooperacion militar ta busca mehora obhetivonan mutuo di seguridad, lo aborda e menasan transversal y lo promove

e seguridad regional.

“Nos tur tin hopi trabao importante pa haci y hunto mi ta kere cu nos por y nos lo logra aborda e retonan comparti den nos becindario colectivo pa hopi negativo cu nan por mostra,” Theriot a manifesta durante un rueda di prensa hunto cu e presidente di Guyana, Irfaan Ali.

Di mesun manera el a remarca e obhetivo di un Guyana prospero y sigur, cu enfasis special den energia, seguridad, seguridad di alimento y e resiliencia climatico.

“Nos ta comprometi na traha hunto ariba solucionnan a traves di e pilarnan di prosperidad, salud, resiliencia, seguridad, energia, diplomacia y educacion,” e embahadora Merciano na Guyana a conclui.



## Actor Hulandes, Ben Ramaker ta fayece cu 69 aña di edad

(NLTimes) – Actor **Ben Ramakers** a fayece diahuebs siman pasa cu 69 aña di edad, segun su famia a informa riba diamars. El a fayece di causanan natural mientras e tabata na grabacion di e serie **Elixir**. “El a fayece mientras e tabata eherce cu pasion mas grandi; actuacion,” su famia a informa.

“Su fayecimento ta un perdida grandi y a afecta henter e elenco y ekipo di **Elixir**,” un vocero pa productor Topkapi a conta RTL Nieuws. Ramakers a graba practicamente tur su escenanen, cual ta nifica cu su fayecimento no lo impacta e finalisacion di e serie di 8 parti tocante ‘**Big Pharma**’.

Ramakers tabatin rol den varios pelicula Hulandes y serie exitoso. El a interpreta un comisionario den **Unit 13**, tabata director di un fabrica di lechi **Meiden van De Wit** y tabata tata di **Connie Palmen** den e serie **I.M.** Tambe e tabatin rolnan di sosten den peliculanen manera **Abeltje, Lek, Sint y Oorlogswinter**.



## Gorinchem ta premira 20,000 bishitante pa e yegada di Sinterklaas

(NLTimes) - Gorinchem ta premira 20,000 bishitante durante Sinterklaas su yegada nacional. Riba diasabra, dia 18 di november, e santo y su Pietnan lo yega Gorinchem, cual tin un poblacion di 37,000 persona. “Nos ta premira cu un cantidad grandi di persona lo bini. Pa nos ciudad, esaki sigur ta un di e eventonan mas grandi,” vocero pa e municipalidad localisa na Zuid-Holland a comenta.

Sinterklaas su boto lo yega 120r di atardi na Waterpoort. Compana pa entre otro gruponan di baile y gymnastiek di Gorinchem, Sinterklaas cu su Zwarte Piet lo cana den para door di e centro di e ciudad.



E municipalidad te ainda no a ricibi indicacion cu personanan tin deseo di expresa nan punto di bista sea pa of contra Zwarte Piet durante e festi-

val pa muchanan. Si e gruponan tin deseo di haci esaki, “e mesun reglanan semper ta aplica,” segun e vocero. “E hendenan tin e derecho

di manifesta.” Esaki ta inclui rekisitonan manera registra e demostracion cu 48 ora di adelanto y un area separa lo keda designa pa esaki.

Zwarte Piet hopi biaha ta ser interpreta como e assistent pret di Sinterklaas pa personanan cu generalmente ta di color di cuero blanco cu ta usa makeup bruin of preto, pelula cu cabey krul y lipstick diki pa tin e apariencia di lipnan grandi. Manifestacionnan contra e tradicion aki yama ‘blackface’ a cuminsa surgi den varios pais durante añanan recien.

Blok tambe ta presenta e programa di television Sinterklaasjournaal. E programa pa muchanan ta manera un noticiero cu ta sigui Sinterklaas mientras su persona y e Pietnan ta yega Hulanda y ta parti regalo pa e muchanan bibando na Hulanda.

## Por usa letra di cantica como evidencia durante huicio di rapper YoungThug

(AP) - Ora cu **Young Thug** cuminsa su huicio mas durante e luna aki den acusacionnan relaciona cu gang, fiscalnan lo por usa letranan di su rap como evidencia den su contra, hues a declara diahuebs.

Fulton County Superior Court su hues hefe Ural Glanville a bisa den corte cu e lo permiti e fiscalnan introduci 17 set di letra cu nan a identifica si nan por demonstra cu e letranan ta relaciona na crimennan cu e rapper y otronan ta acusa di a comete. E abogadoan di defensa a pidi hues exclui esaki, argumentando cu e letranan ta constitucionalmente expresion proteha y lo ta perhudicial di manera inhusto.

Young Thug, naci Jeffery La-



mar Williams, a ser acusa formalmente aña pasa cu mas di 2 decena di otronan. Despues cu algun di e acusadonan a cuminsa drenta den acuerdonan y otronan a ser separa pa cuminsa huicio despues, argumentonan di apertura

a ser stipula pa cuminsa dia 27 di november den e huicio contra Young Thug y 5 otro.

Fiscalnan a bisa cu Young Thug a co-funda e gang criminal y violento den aña 2012 yama Young Slime Life of YSL,

cual ta acusa di ta asocia cu e gang nacional Bloods. Fiscalnan a bisa cu e rapper a haci uso di su musica y su publicacionnan riba rednan social pa promove e gang, cual aparentemente ta tras di varios crimen violento incluyendo

asesinato, tiramento y robo di auto.

Artistanan den su compania di grabacion ta considera parti di Slime Family y un album “**Slime Language 2**” a yega posicion number 1 den april di aña 2021. El a skirbi tambe e hit “**This Is America**” cu Childish Gambino, cual a bira e prome cancion di HipHop cu a gana un Grammy den aña 2019.

Fiscalnan a usa Georgia su leynan di expansion di gang pa trece dilanti e acusacion formal. Tur e acusadonan a ser acusa di conspiracion pa viola e leynan, y e acusacion formal ta inclui e letranan di rap cu e fiscalnan ta acusa ta actonan encubierto cu ta “sigui e conspiracion.”



## A gradua di Universidad di Aruba, Zyqion J. S. Soekandar

Diabierna, 13 oktober, 2023, a gradua na e Facultad di Ley na Universidad di Aruba, Zyqion J. S. Soekandar.

El a gradua defendiendo su master tesis titulá: "De gevolgen van het Ruimtelijk Ontwikkelingsplan met voorschriften (ROPV) voor erfpachters van overheidsgroten. Een onderzoek naar de verhouding tussen de aan het

recht van erfpacht verbonden bestemmingsvoorwaarden en het ROPV."

Miembronan di e comision di examen tabata: Prof. mr. dr. Herman Bröring representa pa mw. mr. Brechtje Huiskes mr. dr. N. Chun Luk mr. dr. Carlos Bollen

Universidad di Aruba ta felicita Zyqion J. S. Soekandar cu su logro.



## Interport ta celebra su di 10 aniversario

**Interport Logistics, un lider den industria di logistica, ta orguyoso di celebra su di 10 aniversario na Aruba. Durante ultimo decada, e compania a registra logronan y exito significativo, estableciendo su mes como un partner confiable y innovativo den logistica.**

Desde su inicio na Aruba na 2013, Interport Logistics a crece di forma stabiel y a bira un simbolo di excelencia den sector di logistica. Ademas di Aruba, ta notable cu Interport Logistics tambe tin su propio oficina y facilidadnan na Miami, Los Angeles y Corsou y ta parti di varios Asociacion Strategico Internacional y Network Global. E compromiso di e compania pa provee solucionnan excepcional di logistica y un maneho cu cliente central ta e forza di impulso tras di su biahe remarcable.

Interport Logistics Aruba ta orguyoso di su logronan durante ultimo dies aña, cu ta inclui:

1. Expande nos alcance global pa extende y reforsa nos ser-

vicionan for di Europa, Asia y America;  
2. Diversifica servicio pa cubri un variedad amplio di necesidadnan logistico, incluyendo shipping, brokerage, warehousing, distribucion y mas;  
3. Inverti den tecnologia di vanguardia pa mehora tracking, transparencia y eficiencia;  
4. Construi relacionnan fuerte cu cliente, partner y stakeholdernan.

Nos ta encanta di alcanza e logro aki di 10 aña den nos trayecto. Nos exito ta un testament di e trabao duro y dedicacion di nos team, como tambe e confiansa y sosten di nos clientenan. Nos ta anticipa pa continua entrega solucionnan top-notch di logistica pa añanan binidero.

Como parti di e celebracion di aniversario, Interport Logistics ta anfitrión di un evento happy hour pa muestra aprecio na cliente y partnernan. E compania tambe ta bay cuminsa varios iniciativa cu ta demostra su compromiso pa continuamente expande y mehora su servicio.



Por favor sinti liber di bishita nos na Bushiri #32 y nos team experiencia ta bay ta contento pa asisti bo cu bo dudanan di logistica, of tuma contacto cu nos na sales@interportaruba.com of <https://www.facebook.com/interportaruba>



# Christmas

## MENU

### APPETIZER

**Pumpkin Soup**  
With Coconut Cream  
**Duck & Cranberry**  
Local Greens, Cranberry Compote  
**Aqua Grill Salad**  
Local Greens, Caramelized Walnuts, Gorgonzola and Roasted Red Beets

### ENTREES

**Christmas Feast**  
Roasted Ham & Turkey, Pineapple Gravy, Cranberry Compote, Roasted Garlic Mashed Potato, Green Beans & Bacon  
**Tenderloin Thermidor**  
Butter Mashed Potato and Grilled Asparagus  
**Roasted Salmon**  
Green Herb, Roasted Garlic Mashed Potato, Grilled Asparagus and Hollandaise Sauce

### DESSERT

**Coconut Crème Brulee**  
Fresh Berries & Vanilla Whipped Cream  
**Baked Alaska**  
Red Berry Compote and Whipped Cream

**AFL 105**

**AQUA GRILL**

A 15% SERVICE CHARGE WILL BE ADDED TO YOUR BILL



## A yama polis pa problema cu cacho na San Barbola

**Diamars mainta a drenta informe di un problema cu cacho di bisia, mesora a dirigi un patruya na e sitio.**

Na yegada di e patruya a bin compronde cu aki ta trata di un cacho crioyo ora haya e porta habri esaki ta sali pa bay ataca e peatonnan. Polis a bay papia cu e bisia y esaki a priminti di lo bay pone mas atencion na esey.



## Na Eagle Beach un mama turista a bisa e yiu ward'e un rato y na su regreso e yiu di 6 aña no tey!

**Diamars merdia a drenta informe di cu tin un mucha muher turista di apenas 6 aña cu ta perdi, mesora a dirigi un patruya na e sitio.**

Na yegada di e patruya a bin compronde cu e mama turista a bisa su yiu pa e keda cayan y a bay bolbe na su regreso e no a mira su yiu mas. Na gritamento yoramento tur desespera e tabata grita. Algun turista a yud'e tira bista rond pa e mucha aki di 6 aña, pero sin resultado. Polis tambe tabata busca pero nada. Despues di un rato a drenta informe di



cu na Manchebo nan a haya un mucha cu tabata cana su so banda di beach y a haya esey peligroso y nan a want'e eynan te ora polis a yega.

Na yegada di e patruya cayan a tuma e mucha over y a bay hib'e cerca su mama na Eagle Beach.



## Na Pastoor Hendrikstraat un homber di edad a dal abao riba zebrapad y auto a dal e



**Diamars atardi a drenta informe di un accidente cu hende herida dilanti Joe Laveist Sportpark na Pastoor Hendrikstraat, mesora a dirigi tanto polis como ambulans na e sitio.**

compronde cu e homber a cay riba e zebrapad y un auto cu tabata core tranquil a dal e. Na yegada di e ambulance nan a atende e victima y a transporte pa hospital pa un control mas avansa.

Na yegada di e patruya a bin



### Openbare Aanbesteding



#### "Project leveren, installeren en configureren van HPE Alletra dHCI voor Directie Financiën"

De Minister van Financiën en Cultuur is namens het Land Aruba voornemens om in het openbaar aan te besteden de Term of Reference "Project leveren, installeren en configureren van HPE Alletra dHCI voor Directie Financiën".

#### Korte omschrijving van het werk:

Levering, installatie, configuratie en gebruiksklaar maken van HPE Alletra dHCI ten behoeve van de DirFin WAN

#### Ingangsdatum:

De ingangsdatum van het contract is bepaald op 1 januari 2024.

#### Werkomschrijving:

De werkomschrijving Terms of Reference "Project leveren, installeren en configureren van HPE Alletra dHCI voor Directie Financiën" (TOR) is vanaf **13 november 2023** verkrijgbaar bij de Directie Financiën, Camacuri 2, tegen betaling van AWG 50,00 door middel van pinpas bij de Front Office van Directie Financiën.

#### Inlichtingenvergadering:

De inlichtingenvergadering zal op **17 november 2023** om 9:00 uur 's ochtends in de Vergaderzaal van Directie Financiën te Camacuri 2 plaatsvinden. De nota van inlichtingen zal op **21 november 2023** aan alle gegadigden digitaal worden toegezonden.

#### Openbare aanbesteding:

De openbare aanbesteding vindt plaats op **24 november 2023** om 10:00 uur 's ochtends op het kantoor van de Directie Financiën.

#### Inschrijving:

De offerte op dit werk dient negentig (90) kalenderdagen gestand te doen. Inschrijving dient te geschieden op het bij de TOR gevoegde en gewaarmerkte inschrijvingsformulier. De inschrijver moet bij zijn inschrijving een aantal documenten bijvoegen onder andere:

- Bewijs van inschrijving van de Kamer van Koophandel van Aruba;
- Verklaring van de Ontvanger.
- Overige vereiste documenten zoals vastgesteld in de Term of Reference.



## Elmar mester a bay drecha waya di coriente cu tabata colga abao memey caminda

**Diamars mainta a drenta informe di cu tin un waya di coriente cu lo a kibra y a keda ta colga te abao memey caminda.**

E waya aki tabata dal e autonan cu ta pasa y otro vehiculonan mester a desvia, mesora a dirigi un patruya na e sitio pero ya na e momentonan ey ya caba Elmar tabata drechando esaki.



## Polis a bay controla brommer misterioso laga atras pa varios dia dilanti Home Sweet Home na Dakota



**Diaranson mainta a drenta informe di cu tin un brommer laga atras pa varios dia dilanti Home Sweet Home na Dakota, mesora a dirigi un patruya na e sitio.**

Na yegada di e patruya a bin compronde cu e brommer lo ta pertenece na un persona biba na Sabana Liber. Central di polis a manda un patruya di Noord bay na su adres pa asina wak si por check cu e doño kiko a pas'e of pa ki

motibo e lo a laga e brommer atras eyan. Pero na yegada di e patruya eyan no a bin encontra cu ningun hende. Si tin un of otro hende cu lo por sa di ken e brommer aki ta pa bis'e cu e ta eyan para.



## Polis a detene chauffeur sin rijbewijs cu a ocasiona accidente y no tabata tin ningun identificacion



**Diaranzon mainta a drenta informe di un accidente na Hooiberg unda un di e chauffeurnan no tin rijbewijs, mesora a dirigi un patruya na e sitio.**

Na yegada di e patruya a bin constata cu na e accidente no

tabata hopi daño y un chauffeur no tin rijbewijs y no tabata tin ningun identificacion cun'e. Polis a detene e chauffeur cu a core auto sin rijbewijs y a causa accidente y como cu e no tabata tin ningun identificacion cun'e a detene.





## Servicio di videochat Omegle ta cera despues di añanan di acusacion di abuso di usuario

(AP) – Omegle, un servicio cu ta conecta usuaronan cu personanan desconoci di manera aleatorio, lo cera despues di 14 año despues di mal uso amplio di e plataforma, particularmente den e abuso sexual di menornan di edad.

Den un declaracion largo anunciando e sitio web su ceramento, fundador Leif K-Brooks a reflexiona riba con Omegle su proposito tabata di conecta personanan den henter mundo y “fomenta e cosnan cu mi tabata stima di internet.” Sinembargo, el a agrega cu un parti scur di e plataforma a cuminsa surgi. “Practicamente tur herment por ser usa pa bon y pa malo,”

Brooks a skirbi. “No por tin un contabilidad honesto di Omegle sin cu nos admiti cu algun persona a haci mal uso di esaki, incluyendo pa comete crimennan sumamente grave.”

Durante añanan, Omegle a enfrente critica significante pa bira loka algun ta bisa un punto clave pa pornografia y otro abusan. E sitio web su ceramento ta bini mas o menos un siman despues cu Omegle a aregla un demanda cu a acusa e plataforma di a conecta un mucha di 11 año cu un predador sexual, segun recordnan di corte.

E demanda, cual a ser entrega na corte di Oregon na año 2021, ta un cadena largo di lit-



igacion cu Omegle a enfrente. Segun BBC, e plataforma a ser menciona den mas di 50 caso contra pedofiernan den e ultimo 2 año. “Opera Ome-

gle no ta sostenibel mas, ni financieramente ni psicológicamente,” Brooks a skirbi. “For di e profundidad di mi curason, danki na tur hende

cu a usa Omegle pa propositonan positivo y na tur hende cu a contribui na e plataforma su éxito di algun manera. Mi ta hopi sorry cu mi no por a sigui lucha pa boso.”

Brooks a funda Omegle na aña 2009 cu 18 aña di edad. Ademas di a tin miyones di usuario diario durante e añanan, videonan di Omegle ta comparti ampliamente riba YouTube y plattforman di rednan social manera TikTok.

Cuminsando for di diahuebs mainta, e website di Omegle ta live pero solamente cu Brooks su declaracion. Su funcion di videochat no ta visibel mas.

## Ingeniero di Meta a mira su propio yiu enfrente acoso riba Instagram



(AP) - Riba e mesun dia cu Frances Haugen tabata testiguando dilanti Congeso tocante e dañonan di Facebook y Instagram na muchanan den 2021, un ex-director di ingenieria na e gigante di rednan social tabata mandando un e-mail alarmante na CEO di Meta, Mark Zuckerberg tocante e mesun topico aki.

Arturo Bejar, conoci pa su experticio den combati acoso online, a conta na Zuckerberg con su propio yiu tin experiencianan preocupante cu Instagram. Sinembargo, e ta conta cu su preocupacionnan y advertencianan no a ser scucha, e diamars tabata Bejar su turno pa testigua dilanti Congerso. “Mi ta dilanti

di boso awe como un tata cu experiencia personal di un mucha cu a ricibi avancen sexual no desea riba Instagram,” el a conta un panel di Senadornan Mericano.

Bejar a traha como director di ingenieria na Facebook desde año 2009 pa año 2015, atraendo atencion amplio pa su trabao den combati bullying cibernetico. El a pensa cu cosnan ta birando miho sinembargo entre sali for di e compania y bolbe back den año 2019 como contratista, Bejar su propio yiu muhe a cuminsa haci uso di Instagram. “Su persona y su amistadnan a cuminsa tin experiencianan malo, incluyendo avancen sexual no desea repetitivamente,” el a testigua diamars. “El a reporta e inci-

dentenan aki na e compania y nan no a haci nada.”

Den año 2021 su nota, Bejar

a delinea un “buraco critico” den con e compania ta trata dano y con e personanan cu ta usa su producto, mas tanto hendenan hoben, ta experiencia e daño. “Dos siman pasa mi yiu muhe di 16 año a haci un publicacion tocante auto y un persona a comenta ‘bay bek cushina.’ Esaki tabata sumamente doloroso pa su persona pero na mesun tempo, e comentario ta leu di ta den violacion di e politica y esaki ta nifica cu e persona aki lo bay otro perfilnan y sigui plama su ideologia misogeno. Mi no ta kere cu politica/reporta of tin mas revision riba contenido ta e solucion.”

Bejar a testigua dilanti un subcomite di Senado riba diamars tocante rednan social y e crisis di salud mental den hobennan, sperando cu lo

por trece mas bista riba con checutivonan di Meta, incluyendo Zuckerberg, tabata al tanto di e daño cu Instagram tabata causando pero a scoge pa no haci cambionan necesario pa atende esaki.

Segun Bejar, Meta mester cambia con nan ta maneha nan plattforman cu un enfoke riba atende acoso, avancen sexual no desea y otro mal experiencianan aunke e problemanan aki no ta den violacion directo di politicanan existente. Por ehempel, manda mensahenan vulgar na hobennan no ta necesariamente kibra Instagram su reglanan, sinembargo Bejar ta conseha cu hobennan mester por tin un manera di bisa e plataforma cu nan no kier ricibi e tipo di mensahenan aki.





# Campeonato Aruba Beach Tennis ta back cu mehoracion

*Asiento mehora den stadion, app mobil y mas*

E evento sumamente anticipa, Campeonato Aruba Open Beach Tennis, ta cla pa tuma lugar for di dia 12 te 19 di november na Bushiri Beach. E evento stima aki tin un posicion prominente den mundo di beach tennis desde su inicio na 2012, atrayendo hungadornan for di un cantidad impresionante di 40 pais.

Maske e torneo ta un exito anual, e organisadornan di e evento deportivo mayor aki no ta keda conforme y ta sigui pusha pa mehoracion tur aña. Hungador y bishitantenan e aña aki por spera mehoracion den asiento di stadion cual ta igual na eventonan deportivo nacional rond mundo. Tambe ta lansando un app mobil nobo pa hungadornan di beach tennis y pa e bishitantenan, unda por haya acceso na tur loke e participantenan mester a traves di nan celular. Esaki ta inclui e schedule, weganan riba e veld central, opcionnan di cuminda disponibel y hopi mas. Tambe tin otro mehoracionnan tecnico manera pantayanan LED nobo cara pa LG Smith Boulevard.

Aruba Open ta muestra inclusividad di e deporte, dunando bon bini na participantenan di tur nivel desde entusiasmanan amateur te profesionan veteranan. E torneo ta dura ocho dia y ta reintegra



back riba e kalender ITF como un evento ITF BT400, permitiendo hungadornan profesional gana puntonan valioso di ranking. Anualmente, mas cu 1,200 hungador consistiendo di 700 participante internacional y 500 hungador local tipicamente ta registra pa competi for di diferente lugar di mundo.

E Campeonato di Aruba Open Beach Tennis ta un cu bo no por perde y ta un icono na Aruba, hisando e nivel di torneo di beach tennis internacional.

Tur anochi lo tin entretenimento live, happy hours, cuminda y bar bon surti, tiendanan, tremendo

weganan di pro beach tennis y hopi mas. Entrada ta GRATIS y full comunidad di Aruba ta keda invita.

Pa mas informacion tocante e programa diario, bishita [www.ArubaBeachTennisOpen.com](http://www.ArubaBeachTennisOpen.com) □ Event Info □ Program

Aruba Open 2023 ta wordo patronisa pa Aruba Tourism Authority, Beach Tennis Aruba, Amstel Bright, CMB (Caribbean Mercantile Bank), Setra, Sexy brand, Aruba Airport Authority, Royal Aruba Aloe, Elite Productions, Intergrated Security Services y Shark. The program for the Aruba Open Beach Tennis



## Tata di delantero di Liverpool Luis Diaz libera despues di secuestro na Colombia

**(AP) — Tata di delantero di Liverpool, Luis Diaz a recobra su libertad ayera for di miembronan di un grupo guerrilla cu a secuestr'e den nort di Colombia, segun gobierno a anuncia, terminando un tormenta di 12 dia pa e famia.**

E secuestro di Luis Manuel Diaz riba dia 28 di october na su pueblo natal di Barrancas rapidamente a hala atencion internacional y a genera apelacion pa su libertad. Diadomingo, e hoben Diaz a suplica pa libertad di su tata despues di a anota pa Liverpool den un partido di futbol den Premier League, bistiendo un T-shirt bisando "Libertad pa Papa" den Spaño.

E liberacion na man di Ehército di Liberacion Nacional (ELN) — cu a referi na e secuestro como un eror — a keda anuncia pa un

delegacion di gobierno cu actualmente ta negociacion di paz cu e grupo guerrilla.

Diaz tata, bistiendo un camisa berde y un pechi, a cuminda hende diahuebs mientras el a yega back na su pueblo den region La Guajira, escolta pa autoridadhan. El a papia cu yen emocion cu su bisiñanan usando un megafono.

Inicialmente no tabata cla ken a haci e secuestro. Pero gobierno di Colombia a anuncia siman pasa cu tabatin informacion cu ta un unidad di ELN a secuestra Diaz. ELN despues a reconoce e secuestro, bisando cu tabata un eror y cu liderazgo top di e grupo a duna orden pa liberacion di Diaz.

Un declaracion di ELN diadomingo a bisa cu e liberacion planea tabata afecta pa des-

plieguean militar den nort di Colombia y cu no tabata por garantisar un liberacion safe bao e circunstancianan en cuestion. Ehército Colombiano a bisa di aluna cu tabata cambiando su posicion pa facilita e liberacion.

Ambos mayor di e futblosita di Liverpool a keda secuestra pa hombernan arma riba motorcycle na un pompstation na Barrancas. Pero mama di e futbolista, Cilenis Marulanda a keda rescata pa polis algun ora despues, ora nan a pone blokeo rond di e pueblo di 40mil persona, cual ta cerca di frontera entre Colombia y Venezuela.

Despues di e secuestro, a desplega forsan special den e area pa busca pa tata di Diaz den un region montañoso cu ta riba ambos pais y ta cubri pa un boske di nubia. Polis tambe a ofrece un recompensa di \$48mil pa in-



formacion conduciendo na su paradero.

Nacionnan Uni y Iglesia Catolico a yuda facilita e entrega, y nan representantenan a ricibi tata di Diaz ayera den area di Serrania del Perija, unda el a ricibi atencion medico primario.

E delantero di 26 aña di edad ta un di e hungadornan mas talentoso den team nacional Colombiano. El a join Liverpool den un deal na balor di \$67 milyon. E team a tweet cu tabata "encanta cu e noticia" di liberacion di tata di Diaz. Diahuebs, e del-

antero a hunga 81 minuut den e perdida 3-2 di Liverpool contra Toulouse algun ora despues cu a libera su tata.

Oficina di Ombudsman di Colombia ta calcula cu entre januari 2022 y september 2023, gruponan arma a ehecuta 160 secuestro y 121 liberacion.

Despues di liberacion di tata di Diaz, delegacion di paz di gobierno a exige den un declaracion pa ELN inmediatamente libera cualquier persona cu "ainda tin den captividad" y stop su practica di secuestro.





PREMIO EXCELENCIA DEN DEPORTE

# SINTONISA



Gabinete Wever-Croes II page

Premio Excelencia Den Deporte

10 di november | 8.00pm

**Gabinete Wever - Croes II**  
*Minister di Enseñansa y Deporte*  
**Endy Croes**



Ministerio di Enseñansa y Deporte



Deseo  
Disciplina  
Dedicacion  
Determinacion



Bista Politico ta un seccion di **Bon Dia Aruba** specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

# BISTA POLITICO

## ACCION21 ta entrega iniciativa di ley pa modernisa ouderschapsverlof na Aruba



**Fraccion ACCION21 a entrega un iniciativa di ley na Directie Wetgeving en Juridische Zaken (DWJZ) cual ta encera cambio den verlof di embarazo y verlof di mama. Un tema cu pa algun tempo caba ta den desaroyo relaciona cu verlof di paternidad na Aruba, y con su prolongacion por tin un efecto positivo p'e famianan Arubano. Parlamentario Miguel Mansur a extende un invitacion na tur fraccion y miembronan independiente pa join e iniciativa aki.**

Na Hulanda den 2019, verlof di paternidad a conoce un prolongacion, cual a resona manera un tremendo noticia rond henter e pais. Aki na Aruba sinembargo esaki ta un tema cu ta basicamente negligha pa basta tempo. Famianan feliz y contento na Aruba ta

un pilar importante pa loke ta e ciudadano y ta algo socialmente significante. Un famia feliz ta cuminsa na e periodo di embarazo y nacemento di e yiu, combina cu e proteccion, salud y bienestar di e mama y yiu. Cu e iniciativa di ley aki pa medio di ACCION21, e ciudadano por spera asina pa mehora calidad di bida di su yiunan y mayornan. Pa medio di esaki lo porfin brinda nan mas derecho durante nan periodo di verlof di embarazo, verlof di nacemento y verlof di partner.

Cambianan den ley  
E cambianan proponi den e iniciativa di ley aki ta encera prolongacion di verlof di mama for di 12 pa 16 siman, comparabel cu Hulanda y islanan BES. E periodo di notificacion cu empleado embarazado mester notifica nan dunado di trabao ora nan kier tuma verlof di embarazo ta

bira mas cortico, pa seis siman compara cu e actual dos luna. Na Hulanda y BES e ta tres siman.

Den caso di hospitalisacion di e baby durante periodo di verlof di mama, e dianan hospitalisa no ta conta manera dianan di verlof di mama. Si e mama fayece, e dianan di verlof di mama ta pasa na e partner, esposo, pareha registra, of persona cu mama tabata bibando cu y cual a reconoce e baby.

Esaki ta un innovacion cu Aruba lo ta e prome den Reino pa introduci. Verlof di tata of partner ta cambia pa medio di aumenta verlof di dos dia pa cinco dia, y awor ta aplica tambe na pareha registra y persona cu ta biba hunto cu e mama of persona cu ta reconoce e baby. Verlof di tata of partner awor ta inclui tambe e derecho pa tuma verlof di cinco siman total. E cinco simannan aki mester wordo tuma dentro di seis luna despues di e nacemento di e baby. E dunado di trabao no mester paga mas, e tata ta ricibi 70% di su salario for di SVb.

Aruba no por keda atras!  
E posicion di Aruba manera un pais autonomo, y como un di e prome den Reino Hulandes cu a declara su mes autonomo, ta asina pasobra nos pais semper tabata uno cu

tabata avansa y bay dilanti den progreso. Pa ACCION21, ta importante pa e ciudadano di Aruba sigui mehora su mes constantemente, y sigui avansa pa e bienestar di su pais, su comunidad en general, y tur individuo cu ta biba riba e isla aki. Ora ta toca ouderschapsverlof, Aruba ainda ta hopi atras riba e parti aki. Esaki ta conta tambe pa loke ta e tema di verlof di embarazo, verlof di nacemento y verlof di partner. Como pais autonomo den Reino, Aruba no por permiti su mes pa no ofrece na su poblacion e derechonan aki den linea cu otro partinan di Reino y paisnan avansa.

Miho union entre mayor y yiu  
Estudionan haci ta revela cu un verlof di nacemento mas largo ta contribui na un miho union entre mayor y yiu. Otro investigacionnan ta muestra cu mayornan y partner cu tuma verlof inmediato despues di nacemento di nan yiu, generalmente ta mas involvi den cria nan yiu durante nan bida. Tambe, pa e mayornan y partner mes tin efecto positivo. Mayornan cu ta mas involvi cu nan yiunan ta generalmente mas feliz y saludabel. Un verlof di cuida di yiu mas amplio ta expande tambe e oportunidadnan di hende muhe den mercado laboral, ya cu tin menos diferencia den duracion di verlof entre ambos mayor. ACCION21

su propuesta di ley actual ta duna e asunto aki un forma mas stabiel.

Tambe e propuesta di ley ta contribui na e desaroyo di un balans den reparticion di trabao y tarea di cuida entre partnernan den e cas. Segun e tarea di cuida, ta reparti mas igualmente entre e partner, ta crea mas espacio pa hende muhe, cu awor ainda ta carga mayoria di e tarea di cuida di su yiunan y cas riba nan mes. Si e partner, cu na mayoria di biaha ta hende homber, ta participa mas den e cuida, esaki ta stimula nan conexion cu e yiu. Sociaal Economische Raad van Aruba (SER) a publica un rapport na fin di 2022 tocante e expansion di verlof di tata. SER ta opina cu e marco legal actual ta ofrece poco dia di verlof pa tata. Actualmente e tata tin dos dia di verlof, y SER ta boga pa amplia esaki, concluyendo cu esaki lo trece beneficio pa e mama, tata y yiunan. Na Aruba actualmente no tin un verlof di nacemento amplio pa partner na nacemento di e yiu, verlof di embarazo y nacemento ta hopi limita. No tin un verlof amplio pa persona cu tin mas cu un yiu tampoco.

ACCION21 ta para tras di e hecho cu a yega ora pa bin un cambio den e parti aki awor, na bienestar di tur ciudadano di Pais Aruba.





## UNESCO-Aruba ta presenta Exposicion di Taray na Archivo Nacional Aruba (ANA)

Den cuadro di e Tratado 2003 di UNESCO pa Salvaguardia Herencia Cultural Intangibel mundialmente, UNESCO-Aruba ta presenta un exposicion riba e topico di 'trahamento di taray' y 'tiramento di taray'.

A realisa e exposicion den colaboracion cu UNOCA y ANA cu e ayudo di famia di sr. Federico Soto (dfm), kende tabata un di e ultimo trahadonan di taray na Aruba. Tambe a ricibi cooperacion di Edward Dirks, kende ta un tirado di taray y di Marco Christiaans, kende a skirbi e buki 'Perseverancia'.

Meta di e exposicion aki ta



pa muestra e cantidad di aspectonan cu mester tene cuenta cune, na momento cu e comunidad di Aruba ta bay nombra un elemento como parti di nos Herencia Cultural Intangibel. Un elemento ta loke nos ta considera como

un ehempel di loke nos a hereda di nos antepasadonan. E ta algo cu a keda transmiti di generacion pa generacion y cu ainda nos mes hendenan ta mantene 'bibo', esta cu ainda tin hende ta practica loke cu nan a siña di nan tata/mama, welo/a, omo, tanta of otro famia of conocinan.

Patrimonio Cultural Intangibel, manera e ta defini den e Convenio, ta manifesta su mes particularmente den e siguiente cinco areanan: Tradicion y expresion oral, incluyendo idioma como vehiculo di patrimonio cultural intangibel; Arte di tarima, artesanía y folklore; Custumber social, ritual y ac-























tividadnan festivo; Conocemento y custumber relaciona cu naturalesa y universo; Tecnica di ofishi artesanal y tradicional.

Banda di e artefacto y hermentnan cu ta forma parti di trahamento di taray, UNESCO ta pone atencion tambe na e idioma cu ta carga un elemento. Pa e motibo aki a invita sr. Marco Christiaans pa duna un presentacion riba diferente palabra y expresion cu ta forma un lenguahe tipico di piscadonan na Aruba den nos idioma Papiamentu. Ta bon pa tene cuenta cu e rikesa di nos idioma. Den e caso aki nos tin diferente forma pa indica Herencia Cultural Intangibel.

E prome ta deriva di e indicacion di Ingles; Intangible Cultural Heritage. E di dos ta deriva di e indicacion den idioma Spaño esta: Patrimonio Cultural Intangibel. Y den Caribe Hulandes na Papiamentu, nos ta uza pa e palabra intangible/intangibel tambe e palabra 'inmaterial' deriva for di idioma Hulandes, cu ta uza Immaterieel Erfgoed. Asina nos ta uza tambe Herencia Cultural Inmaterial of Patrimonio Cultural Inmaterial. Tur cuater ta referi na e mesun definicion den e convenio di 2003 di UNESCO.

E exposicion na ANA lo ta habri te cu final di november 2023, for di 8:00 am pa 11:45 am y despues di merdia for di 01:15 pm te cu 4:00 pm, entrada ta gratis.

Resultado Sorteo 9 november 2023			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
5133	2141	6365	9161
8892	1386	SUPER5	4104
0565	2740	48281	6211

MERDIA	ANOCHI																				
 Sorteo # 4089 5136 8406 4425  X2  Sorteo # 4089 0437  Sorteo # 2145 6095  Sorteo # 4089 7764 Scorpio  Sorteo # 963 189  X2	 Sorteo # 8092 6659 0375 4168  X2  Sorteo # 7136 6340  Sorteo # 1841 2485  Sorteo # 5895 1864 Scorpio  Sorteo # 825 195  X2	 Sorteo # 0 x Jackpot 0 x Match 4+ 0 x match 4 0 x Afl. 12,00  Sorteo # 6295 0 x Jackpot 5 x Match 4 104 x Afl. 8,00  Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00  <b>Afl. 610.000,-</b>	<table><tr><td>Joker</td><td>Letter</td></tr><tr><td colspan="2">Proximo Jackpot</td></tr><tr><td colspan="2">1.900.000,-</td></tr></table> <table><tr><td colspan="2">19-21-22-23-28</td></tr><tr><td colspan="2">Proximo Jackpot</td></tr><tr><td colspan="2">63.000,-</td></tr></table> <table><tr><td colspan="2">Mega Ball:</td></tr><tr><td colspan="2">Proximo Jackpot</td></tr><tr><td colspan="2">450.000,-</td></tr></table>	Joker	Letter	Proximo Jackpot		1.900.000,-		19-21-22-23-28		Proximo Jackpot		63.000,-		Mega Ball:		Proximo Jackpot		450.000,-	
Joker	Letter																				
Proximo Jackpot																					
1.900.000,-																					
19-21-22-23-28																					
Proximo Jackpot																					
63.000,-																					
Mega Ball:																					
Proximo Jackpot																					
450.000,-																					
 Sorteo #   <																					

<b>King Classic Sudoku</b>									
		1				8	7		
8		9	7		2				5
					1	4			
3	5						8		
		8	5		1				2
		7	2				4		
	9	2			3	7	5	6	
6	1						9		
Difficulty: ★★★★★									
5/12									



# Clasificado

**ECONOMICO** aviso@bondia.com

Personal GRATIS max. 20 palabra  
PASA LAGA BO AVISO NA OFICINA DI BON DIA  
ARUBA WESTSTRAAT#22 FOR DI 9:00AM-4:00PM  
Email nos na  
classified@espnv.com

**SERVICIO PUBLICO**  
**Limpieza pa cas y auto**  
Presure wash cura di cas  
Laba muebles, laba tapijt  
laba vloer  
**Tel. 593 9464**

**TA HASI**  
Trabou di **Pleister 14fl mts²**,  
**Pintura, Patios y Bloki**  
**Tel : 6302305**

**TA BENDE**  
**Camisa, Carson, Short**  
100% lino Italy  
Koyari #22 (Sasaki)  
**Tel. 592 5371**

**SERVICIO PUBLICO**  
Buscando auto pa huur y na bon  
prijs? yama nos  
**Tel. 593 9953/ 593 8453**

**TA BENDE**  
Piano (no electric), cama di  
1 persona, set di sala, vario  
schilderij. Pone bo prijs  
**Cell 594 3154**

**SERVICIO PUBLICO**  
Mi ta ofrece servicio pa haci  
reparacion di porta, ventana y  
hopi mas. Pa mas informacion  
**Tel. 563 6762**

**SERVICIO PUBLICO**  
Nos ta chapi, corta y planta  
mata, brinda tur servicio cu bo  
cura mester. Tira sushi afo,  
**Tel. 738 1908**

**SERVICIO PUBLICO**  
Pa trabou di data-entry of  
update di bo administracion pls  
contact:  
**Tel.568 2339**

**SERVICIO PUBLICO**  
Mi ta ofrece servicio di  
electricista en general corto  
circuito y mantencion  
**Tel.566 5026**

**SERVICIO PUBLICO**  
Sushi den cura pa solamente  
50,- pa buelta, nos ta lante  
lague limpi  
**Call 592 5766**

**TA BENDE**  
Caha di Orgel aña 1997,  
6 cylinder cu su loudspeakers  
Fls.14.000 por yama  
**Tel. 593 9614**  
**Mr. Loy Ras 749 2533**

**Sushi den cura?**  
Ta piki sushi cu pick-up  
grandi pa Afl 75,= pa buelta.  
Yama nos na  
**561 4297 of 561 5179**

**SERVICIO PUBLICO**  
Masaje reductores, terapias  
para el dolor, terapia infraroja,  
kinesiotape, tratamiento faciales  
Avicenastraat #18 local A  
**Tel. 566 1412 /561 8520**

**SERVICIO PUBLICO**  
Nos ta haci trabou di  
plomeria, electricidad,  
hardineria incluye hiba sushi  
Handy man.  
**Tel.742 6250**

**SERVICIO PUBLICO**  
Mi ta chapi, lanta sushi, corta  
mata, transporta frigidaire, was-  
machine biew, drecha cas, etc.  
**Tel. 564 1979**

**SERVICIO PUBLICO**  
Ta traha y renoba Cas  
drecha dak, ta basha vloer,  
pleister, verf cas, traha cura,  
pega mosaico  
**Tel.563 4168**

**SERVICIO PUBLICO**  
Mi ta ofrece pa cuido di mucha  
di dialuna pa diabierna y  
weekend. Pa informacion  
**Tel. 558 7310**

**SERVIO PUBLICO**  
Ta ofrece pa verf y chapi cura  
bon prijs. Nos ta hiba e sushi.  
Yama pa mas informacion na  
**563 4828 / 5679610**

**TA BUSCA**  
trabou pa haci cas limpi,  
negoshi of oficina  
**Tel.561 3910**

**SERVICIO**  
Reforsamo papiamento-español,  
of español pa papiamento pa  
hende mayor y mucha  
**Tel. 563 4641**

**SERVICIO PUBLICO**  
Pa haci trabou di verf y chapi,  
tur mantencion di pafor di cas  
Yama y puntra pa Benito na  
**Tel.630 5185**

## Pronostico di tempo

**Tempo:**  
Parcialmente nubia cu un  
awasero pasahero.

Temperatura maximo 32 gra-  
do Celsius.  
Temperatura minimo 27 gra-  
do Celsius.  
Indice di calor (heat index)  
den y rond di oranan di mer-  
dia: 33 pa 40 grado Celsius.  
UV index: 9

Bahada di solo: 6:11pm.  
Subida di solo: 6:36am.

**Biento:**  
Modera for di direccion gen-  
eralmente oost; forsa 3 te

4 (12 te 30 km/ora, 7 te 16  
nudo).  
Durante dia basta fuerte te  
posiblemente fuerte den raf-  
aga; forsa 5 te 6 (31 te 50 km/  
ora, 17 te 27 nudo).

**Situacion general di tem-  
po:**  
Extension di e area di presion  
halto riba Atlantico lo domi-  
na e weer den region, man-  
teniendo esaki por lo general  
seco. Sinembargo, humedad  
den nivelnan mas abou lo  
wordo transporta cu e biento  
y por produci localmente un  
awasero pasahero.



### Condicion maritimo/ es- tado di lama:

Na partinan proteje di costa:  
keto, rond di 1 pia.  
Na partinan zuid: trankil te  
modera, entre 2 pa 3 pia.  
Na partinan oost te noord-  
west di costa: generalmente  
modera cu olanan entre 4 pa  
6, localmente 7 pia.



**Cas Di Cultura**  
Vondellaan 2 Aruba  
297-582-1010  
**F A D A**  
Campanastraat 5 Aruba  
297-583-2999  
297-583-9610  
**F A V I**  
Primavera 233 Aruba  
297-582-5051  
297-582-5222

**F E P O**  
Engelandstraat 15 Aruba  
297-583-1016  
297-583-6607

**Fundacion Contra  
Violencia Relacional**  
Tel: 583-5400

**Fundacion Autismo  
Aruba**  
Irenestraat 21 Aruba  
297-588-1179

**Fundacion Pa Nos  
Muchanan**  
Cumana 2 Aruba  
297-583-4247

**Fundacion Tel Pa  
Hubentud**  
Wilhelminastraat 19  
Aruba  
297-588-6138  
**Koningin Wilhelmina  
Fonds**  
Spinozastraat 9 Aruba  
297-582-0412

**Mary Joan Foundation**  
Sabana Blanco 8 Aruba  
297-588-9999  
**Rode Kruis Aruba**  
Pedro Gallegostraat 14  
Tel.297-582-2219  
Fax 588-3376

**Famia Planea (SBVO)**  
Avenida Milio J Croes 17  
B Aruba  
297-588-9591  
www.famiaplanea.org  
famiaplanea@hotmail.  
com

**Stichting Fundacion  
Guia Mi**  
George Madurostraat 34  
297-582-0088

**Y M C A**  
Calbasstraat 1 Aruba  
297-582-3072

**AL-ANON group**  
Sabana Liber #8, Noord  
(close to the hotels)  
Tel: 736-2952 or  
593-7081

**Dokter na warda**  
**Oranjestad San Nicolas**  
**Hospital Imsan**  
7:00 pm / 10:00 pm **24 ora**

**Botica na warda**  
**Oranjestad: San Nicolas:**  
Eagle San Lucas  
Tel. 587 9011 Tel. 584 5119  
**EMERGENCIA 911**

**POLIS**  
**Oranjestad 100**  
**San Nicolas 104**  
**Santa Cruz 105**  
**Noord 107**  
**Tip Line 11141**  
**Brandweer 115**  
**Ambulance 911**  
**Hospital 527-4000**  
**Imsan 524-8833**  
**Warda Costa 913**  
**Seguridad Nacional 11911**  
**Cruz Cora 582-2219**

**BOTICA**  
**Aloe 584-4606**  
**4 Centro Medico 584-5794**  
**Central 585-1965**  
**Dakota 588-7364**  
**Del Pueblo 582-1253**  
**Eagle 587-9011**  
**Kibrahacha 583-4908**  
**Maria 585-8145**  
**Di Servicio Noord 586-4606**  
**Oduber 582-1780**  
**Paradera 588-6638**  
**San Lucas 584-5119**  
**San Nicolas 584-5712**  
**Santa Anna 586-8181**  
**Santa Cruz 585-8028**  
**Sero Preto 584-4833**  
**Trupial 583-8560**

**UTILIDAD**  
**Setar 117**  
**Web 525-4600**  
**Elmar 523-7147**

**FUNERARIA**  
**Aurora 588-6699**  
**Royal Funeral H. 586-4444**  
**Ad Patres 584-2299**  
**Olive Tree 584-8888**

## Servicio di Taxi

**Aruba Transfer Tour &  
Taxi C.A.**  
Tel: 582 2116 /582 2010

**Taxi Adres Services (24h)**  
Tel. 587 5900

**A1 Taxi Services Aruba**  
Tel: 587-8850  
Tel: 280-2828  
Whatsapp: 592-7024



# Aurora

## Royal Pray

### Funeral Home & Crematory

Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

Lagrima y floran por seca,  
su recuerdonan y tur loke el  
a haci y significa pa nos lo  
keda graba pa semper den nos  
mente y curazon. "Cerca Dios  
mi alma ta na paz, ta di dj'E mi  
Salbacion ta bini"  
Salmo 62:1

Cu inmenso dolor na nos  
curason, pero agradecido pa  
tur loke el a significa pa nos,  
nos ta anuncia fayecimento  
inespera di nos ser stima, Tata,  
Welo y Ruman



### Andres Figaroa

Cariñosamente yama "Dede" of "Modechi"  
\* 10 November 1952 - † 31 October 2023

Mayornan den felis memoria:  
† Leonardo y † Johanna Figaroa-Tromp

Yiunan stima: Angelo Figaroa y esposa Cathleen  
Elvis Figaroa y esposa Carolina

Nieto y Nietanan stima: Caithlin, Nathan, Ethan, Ransell y  
Thalia

Rumannan: Frances y Roy Abdoelrahman-Figaroa  
Mateo y Olivia Figaroa-Jacobs  
Louis y Ludwina Figaroa-Laclé  
Rosa de Lima Figaroa  
Martin y Ita Figaroa-Laclé  
Hose y Detty Figaroa-Lew  
† Sixta y † Ruben Henriquez-Figaroa  
† Theresita y Mirto Trimon-Figaroa  
Lourdes Figaroa  
Buchi Figaroa  
Tutu Figaroa

Sobrino-/sobrinnan: Georgino, Ghislaine y Ghisbert,  
Lisette, Lisandro, Lianne y Louingell, Tecla y Frans Haseth,  
Yelitza y Kenneth, Ahmed y Amidée, Zarina y Zuleima,  
Brian y Jaclyn, Chiquinquirá, Gracelene, Leonardo, Tara y  
Lee John.

Mama di su yiunan: Diana van der Biezen

Swa y cuñanan.  
Primo- y Primanan y demas famia na Hulanda, Corsow,  
Alemania, Suriname, Venezuela, Colombia y Merca.  
Demas famia: Figaroa, Van der Biezen, Duarte Lenis,  
Tromp, Jacobs, Abdoelrahman, Laclé, Haseth, Lew,  
Henriquez, Trimon, Escalona, Carrasquero, Farro, Frank,  
Thodé, Gil, Sapuana, Christiaans, Gonzalez,  
Franken, Pontilius, Britten, Flanegien, Wolff, Zara,  
Middendorp, Helder y Martina.

Amigonan: Silo Tromp y Miguel Werleman. Grupo di Caha  
di Orgel, Ex-coleganan di WEB Aruba N.V., Amigonan  
di OPPA y e Grupo di La Roca y muy especial Ma y Pa na  
Hulanda.

Su ayudantenan stima di Wonderpoli di Dr. Horacio Oduber  
Hospitaal.

Su bon amiga: Olga Tromp.

Encarecidamente ta pidi pa bin bisti cu colornan alegre.

Condolencia na Aurora Funeral Home: diaranzon 8 di  
November 2023, di 7:00 PM. pa 9:00 PM.  
Acto di entierro y alabez condolencia lo tuma lugar na Misa  
Santa Anna na Noord, diabierna 10 di November 2023, di  
2:00 PM pa 4:00 PM.

Si den nos tristeza nos por a lubida algun miembro di famia,  
nos ta pidi nos sincero disculpa.

Despues di entierro no ta ricibi bishita di condolencia na cas.

# Aurora

## Royal Pray

### Funeral Home & Crematory

Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

Laga tur loke ta spera mi ta bunita  
Laga tur locual cu mi encontra na  
caminda ta bunita  
Laga tur locual cu mi laga atras  
keda bunita y  
Laga esakinan termina den tur  
buniteza.

Cu inmenso dolor na nos curason  
pero conforme cu boluntad di  
Dios  
nos ta participa fayecimento di:



### Bernardo Toppenberg

Mihor conosi como Nino  
\*27 Juni 1943 - †07 Nov 2023

Number di su yiunan:  
Donald Toppenberg  
Egbert Toppenberg y Sra Astrid Toppenberg-Sapuana

Nieto i nietanan:  
Gislaine Lampe  
Joshua Toppenberg  
D'Ocean Toppenberg  
Donalsito

Su Compañera di bida:  
Sra Carmen

Mayornan:  
† Bernardo Toppenberg y † Sra Victoria Toppenberg-  
Habibe

Mama di su yiunan:  
Gertruda Corneilio

Ruman nan:  
Donald Toppenberg y famia  
Richard Toppenberg  
† Hubert Toppenberg y famia  
Reina Diaz-Toppenberg y Esposo David Diaz y famia  
Gladys Celair-Toppenberg y Esposo Eric Celair y  
famia  
Ruben Toppenberg y Sra Ursula Toppenberg-Habibe y  
famia  
Sandro Toppenberg y Sra Yenny Toppenberg-Altagracia  
y famia  
Lisette Ruiz-Toppenberg y Esposo Jose Ruiz y famia  
Julisa Toppenberg y famia

Subrina y subrino nan:  
† Eefje, Shahaira, Hendrik, Cherly, Laimbert, Alexander,  
Janine, Yuraney, Yerremy, Rubiella, Ruthsella, Lisa,  
Kimberly, Beverly, Yerely, Yeraimy, Reelison, Jayrone,  
Marshall, Asher

Primo y Prima nan, Amigonan y conocirnan

Demas Famia: Toppenberg, Habibe, Diaz, Celair,  
Corneilio, Sapuana, Lampe, Altagracia, Spencer, Lake,  
Ruiz, Cortes, Tevreden, Rumnit, De Lanoy, Tromp,  
Weltevreden, Cardoze, Zeidan, Escalona  
Un danki na e staff completo di e Tehuis Betesda

Acto di Entierro lo tuma lugar diasabra 11 November  
2023 pa 2or pa 4or di atardi na misa Fatima Dakota,  
despues ta sali pa Santana na Sabana Basora

Despensanos si por a lubida algun familiar den nos  
trista cu perdida di Bernardo


# Aurora

## Royal Pray

### Funeral Home & Crematory

Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

Dios ta amor y amor ta Dios. Maske mi no ta na e mundo  
aki, tur dia lo mi ta banda di boso Curazon. Mi por steuns di  
loke Señor ta hasi.



A fayece cristianamente:

### Michael Marcelo "Maiky" Croes

\*15-Januari-1948 - †04-November-2023

Su esposa: † Tida Croes Croes  
Su yiunan: Maricella Croes  
Lindella Croes y Joseph Gomes Ferreira  
Su nieta stima: Thalia Jarzagaray  
Su bisanieto stima: Logan Lacle  
Mescos cu un yiu: Leonel Jarzagaray  
Su Rumanan: † Edi Croes  
Walty y Olivia Croes Ras y famia  
Nady y Francisca Croes Croes y famia  
Vda. Marjorie Vredébregt Croes y † Casper Vredébregt  
Lindo y Glenda Croes Bremer y famia  
Richard Croes y famia  
† Shon Neta Oduber Maduro y † Primi Oduber y famia  
† Susana de Vries Gutierrez y † John de Vries y famia  
† Urbano y Poppy Maduro Quast  
† Maria Maduro  
† Frits y † Doris Maduro Croes y famia  
† Otilio y Candy Maduro Croes y famia  
Mario y Livia Maduro Feliciano y famia

Su swa y cuñanan:  
† Jacintho "Chen" y † Rufina Croes Jansen y famia  
Chichi Croes Croes y Buchi Mimi Croes y famia  
Keta Werleman Croes y Catey Werleman y famia  
Edwin y Astrid Croes Tromp y famia  
Ninita Croes y famia  
Vdo. Gerichi y † Gladys Croes Henriquez y famia  
† Roberto y Chia Croes Croes y famia  
Lorenzo y Emely Croes Oduber y famia  
† Scorry y Ula Croes Martinez y famia  
Alex y Evelina Croes Tromp y famia  
Mercedes Samson Croes y Leo Samson y famia

Primo y primanan, sobrino y sobrinanan, hijanan, amigonan  
y conocirnan  
Ayudante: Johana Mercado Camargo

Team di Domino:  
Leo, Shontin, Louis, Marcell, Nady y Frank  
Team y amistades di HOH Dialyse Kliniek  
Team y amistades di Fundashon Nos Paraiso

Demas Famia: Croes, Maduro, Berg, Bareño, Curiel, Ras,  
Oduber, de Vries, Quast, Feliciano, Bremer, Werleman,  
Samson, Jansen, Tromp, Henriquez, Martinez, Rasmijn,  
Koolman, Jarzagaray, Franken, Thiel, Gomes Ferreira,  
Krozendijk, Vrolijk, Hoeverts.

Ta invita tur famia, amigo, bisña y conocirnan pa asisti  
na e acto di despedida cu lo tuma lugar Diabierna 10 di  
November 2023, di 2'or pa 4'or di atardi na Aurora Funeral  
Home.

Acto di cremashon lo tuma lugar den seno familiar.

Nos ta lamenta cu despues di cremashon nos no por ricibi  
bishita di condolencia na cas.

Nos kier pidi nos disculpa si nos a lubida un of otro famia  
den nos tristeza.



# Aurora

## Royal Pray

Funeral Home & Crematory

Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

“Señor ta mi wardador, mi’n tin falta di nada.  
Den Cunucu di yerba berde e ta ponemi sosega.  
E ta hibami na awa trankil, pami bolbe haña forsa”.  
Salmo 23

Cu inmenso tristeza na nos curason,  
nos ta anuncia fayecimento di nos ser stima  
Casa, Mama, Wela, Ruman y Tanta



**Rufina Erasmus-Thiel**

Mihor conoci como: “Ina” of “Rufi”  
\*23 november 1937 - †6 november 2023

Na nomber di su:

Esposo:  
Pablo “Buchi” Erasmus

Yuinan:  
Arsenio Erasmus  
Felix & Milangela Erasmus-Vlaun

Nietonan:  
Jerrick & Jerrel Erasmus

Manera Nieta:  
Shully Felicia

Rumannan:  
†Carmen Falconi-Thiel y famia  
Francisco “Chico” Thiel y famia  
†Bernadino “Didi” Thiel y famia  
†Juanita “Chichi” Werleman-Thiel y famia  
†Lucianita “Nini” Arends-Thiel y famia  
†Theofilo “Theofi” Thiel y famia  
Josefa “Chefa” Erasmus-Thiel y famia  
Rogelio “Rodger” Thiel y famia  
†Fabian Thiel y famia  
†Dominico “Shonco” Thiel y famia

Ayudantenan:  
Judith Felicia  
Rumannan Testigonan di Jehova di Congregacion Pap-  
ilon  
Pablo & Erna Schönherr

Swa y cuñanan, primo y primanan, ihanan, bisñanan,  
Amigonan y Amistadesnan

Demas Famia: Erasmus, Thiel, Vlaun, Pietersz, Falco-  
ni, Werleman, Arends, Tromp, Diaz, Hernandez, Ruiz,  
Kock, Limonier, Giel, Dirks, Hill

Nos disculpa si den nos tristeza nos por a lubida un of  
otro famia.

Oportunidad pa condolencia lo ta diasabra 11 novem-  
ber 2023 di 9 pa 11 am na Salon Macuarima y despues  
di esaki acto di despedida lo tuma lugar den seno fa-  
miliar.

Ta lamenta cu despues di despedida  
nos no lo ricibi bishita di condolencia na cas.

# Aurora

## Royal Pray

Funeral Home & Crematory

Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

Mamá te fuiste y una parte nuestra se marchó contigo,  
quédate en nuestros recuerdos, donde nadie te toque...  
Porque jamás se va lo que queda dentro de El alma.  
Nos diste todo sin esperar nada a cambio,  
nos enseñaste el significado del amor incondicional,  
recordar tu risa siempre nos hará sonreír. Tus consejos  
nos guiarán siempre.

Es un honor y un privilegio ser tu Familia, Te  
amaremos eternamente Con dolor en nuestros  
corazones, anunciamos el fallecimiento de:



**Sra. Yaneth de Jesus Lopez de Gutierrez**

Nombre de cariño “Marelbys”  
\*14-11-1960 - †03-11-2023

Padre: Alfonso López Puerta  
Madre: †Eugenia Junco Parra

Esposo: Miguel Gutiérrez Pedroza

Hijos:  
John Jairo Gutiérrez López  
Yacuelin I. Gutiérrez López  
Mairon F. Gutiérrez López  
Miguel A. Gutiérrez López  
Amanda Gutiérrez López

Nietas:  
Jaleinis K. Gutierrez Llerena  
Milieny G. Gutierrez Lopez  
Saray L. Gutierrez Calle  
Salome Y. Gutierrez Lopez

Hermanos:  
Armando Lopez y Familia  
Adolfredo Lopez y Familia  
Luz Marina Lopez y Familia  
Josegil Lopez y Familia  
Olivia Lopez y Familia  
Rosiris Solano y Familia  
Saturnino Solano y Familia  
Dervis Solano y Familia  
Oscar Solano y Familia  
Rosana Solano y Familia  
Doniris Solano y Familia  
Ingrid Solano y Familia  
Nelcy Solano y Familia  
†Erinerdo Lopez y Familia  
†Enrique Lopez y Familia  
†Aristidis Solano y Familia

Demás familiares en Colombia y amigos.

El acto de entierro será el Sabado 11 de noviembre del  
2023 en Aurora Funeral Home de 1 pm a las 4 pm,  
después saliendo para el cementero en Sabana Basora

# Aurora

## Royal Pray

Funeral Home & Crematory

Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

Lagrima y floran por seca, su recuerdonan y tur  
loke el a haci y significa pa nos, lo keda graba pa  
semper den nos mente y curason.  
“Cerca Dios mi alma ta na paz, ta di DJ'E mi  
salbacion ta bin”  
Salmo 62:1

Cu dolor na nos curason, nos ta participa  
fayecimento di nos ser stima:



**Yolanda Elizabeth Adelaida Boekhout**

Cariñosamente yama “Yoly”  
\*12-11-1960 - †09-11-2023

Acto di entierro lo wordo anuncia despues

# Aurora

## Royal Pray

Funeral Home & Crematory

Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

Tur cos aki na mundo tin su ora y su tempo,  
Ora pa nace y ora pa muri, ora pa yora y ora pa  
hari, Ora pa keda keto y ora pa papia, ora pa stima  
y ora pa odia, Ora pa guerra y ora pa paz”  
Predicador 3:1-2-4-7-8

Cu dolor na nos curason, nos ta participa  
fayecimento di nos ser stima:



**Sra. Leenchi Sam**

\*02-11-1957 - †01-11-2023

Acto di despedida lo wordo anuncia despues



# Weekly SPECIALS



<p><b>WAS</b> <del>10.89</del></p> <p><b>5.49</b> Per KG</p> <p>Apple HoneyCrisp</p>	<p><b>WAS</b> <del>18.95</del></p> <p><b>13.85</b> Clamshell</p> <p>Grapes Red Seedless 2lb</p>	<p><b>WAS</b> <del>32.99</del></p> <p><b>29.49</b> Per KG</p> <p>Angus Cutsmall</p>	<p><b>WAS</b> <del>37.49</del></p> <p><b>33.99</b> Per KG</p> <p>Angus Chuck Roll/Riblappen</p>
<p><b>WAS</b> <del>26.99</del></p> <p><b>23.99</b> Per KG</p> <p>Angus Hachee Stewbeef</p>	<p><b>WAS</b> <del>15.95</del></p> <p><b>9.95</b> Each</p> <p>Peppers Rainbow</p>	<p><b>WAS</b> <del>8.99</del></p> <p><b>7.95</b> Per BAG</p> <p>Potato Yellow Yukon 5lbs</p>	<p><b>WAS</b> <del>4.29</del></p> <p><b>3.49</b> Each</p> <p>Lettuce Iceberg Wrapped</p>
<p><b>WAS</b> <del>9.29</del></p> <p><b>6.29</b> Each</p> <p>Thai Kitchen Lite Coconut Milk 400ml</p>			
<p><b>DIARY/FROZEN</b></p> <p><b>WAS</b> <del>12.49</del></p> <p><b>9.39</b> Each</p> <p>Califia Almond Milk GF 48oz</p>	<p><b>HBC/GM</b></p> <p><b>WAS</b> <del>1.69</del></p> <p><b>1.69</b> Each</p> <p>AMPM Plus Absorbent Cotton 25G</p>	<p><b>WAS</b> <del>2.79</del></p> <p><b>2.29</b> 100 GR</p> <p>Provolone Cheese</p>	
<p><b>WAS</b> <del>8.95</del></p> <p><b>6.79</b> Each</p> <p>Melkan Gouda Jong 48- 190gr</p>	<p><b>WAS</b> <del>2.79</del></p> <p><b>2.79</b> Each</p> <p>TLD Industrial Waste Bag 65x100 10U</p>	<p><b>WAS</b> <del>2.49</del></p> <p><b>1.99</b> 100 GR</p> <p>Cured Honey Ham</p>	
<p><b>DRY FOOD</b></p>			
<p><b>WAS</b> <del>5.29</del></p> <p><b>5.29</b> Each</p> <p>Taeq Light Mustard Vinaigrette 225g</p>	<p><b>WAS</b> <del>2.49</del></p> <p><b>2.49</b> Each</p> <p>Frescampo Capers in Vinegar 125g</p>	<p><b>WAS</b> <del>7.99</del></p> <p><b>7.99</b> Each</p> <p>Maggi Sauce Aroma 960gr 800ml</p>	<p><b>WAS</b> <del>4.99</del></p> <p><b>4.99</b> Each</p> <p>Pringles Salt &amp; Vinegar 5.5oz</p>
			<p><b>WAS</b> <del>4.99</del></p> <p><b>4.99</b> Each</p> <p>Kraft BBQ Sauce Original 18oz</p>

**SUPER**  
**Do it Center.**

VALID FROM  
**10 NOV - 16 NOV 2023**  
and while supplies last

SUPER Do it Center Aruba | Shaba 3, Noord Aruba | 5831111 | customerservice@doit.aw